



Politeus corruptus incarcerationatus;

MAÑAN TA DICTA SENTENCIA DEN CASO AVESTRUZ

Pagina 2

- *Otmar Oduber:*
**“Abuso ta tumando
luga di parti di
Ministerio Publico”**

Pagina 4

- **Partido AVP den
problema interno
hopi serio**

Pagina 3

- **Sospechoso
na Corsou den
asesinato di
musico Hulandes
aresta na
Vlaardingen**

Pagina 8

Atletanan di landamento a conkista 16 medaya den Carifta Aquatic Championship 2023



Pagina 17

Leak di inteligencia Mericano ta complica
cumbre cu Sur Korea



Pagina 23

Chavismo ta detene Alvarado Pulido, socio
di Alex Saab



Pagina 11

Politicus corruptus incarceratus: Mañan ta dicta sentencia den caso Avestruz

Mañan diabierna, corte ta bay tende e sentencia den e caso di corrupcion di parlamentario di AVP, Benny Sevinger, conoci como caso Avestruz. E caso aki ta continua un cadena di politico cu a haya nan mes den corte y hasta cera, un cadena cu ainda no a mira su fin.

Caso Avestruz a cuminsa cu un investigacion di Landsrecherche tocante delitonan di corrupcion cu posiblemente tuma lugar relaciona cu entrega di tereno di gobierno entre 2009 y 2017.

Den caso Avestruz a investiga e posibel rol di ex-minister Oslin Benito (Benny) Sevinger y tabata dirigi riba



e pregunta si companianan a haya derecho di erfpacht a base incorrecto.

Oficialmente e caso a cuminsa na luna di september,

pa varios dia e diferente sospechosonan a acudi na corte pa interrogacion tocante e fundacion Curason Berde. Aki tabatin seis sospechoso y

varios sub-caso:

Elenath y Deshaun, tratando e transaccionnan di tereno reparti na varios lugá rond di e isla, y con a usa medianan ilegal pa cierto persona por a adkiri un di e terenonan aki a cambio di algun beneficio; y Damira y Bucuti, tratando labamento di placa y malversacion di fondo. Fin di aña pasa, tur sospechoso a duna nan declaracion y a presenta pa trata e aspectonan personal.

Asina cu e caso aki ta bay yega su climax mañan, dia 14 di april, unda ta bay dicta sentencia contra Sevinger.

Sinembargo, e caso aki ta apenas un link den un cadena di corrupcion afectando politica

di Aruba. Ademas di Sevinger tin e condena di ex-minister Paul Croes, e acusacionnan involucrando Eddie Briesen, e caso contra ex-minister Guillfred Besaril, e condena contra Alan Howell – ken ainda ta bay apela su sentencia. Tambe tin acusacionnan – no confirma pa Ministerio Publico – contra parlamentario Marisol Lopez Tromp y e caso Kukwisa. Esakinan ta apenas algun di e acusacionnan cu a sali na luz relaciona cu corrupcion den politica di Aruba. E pregunta ta keda, ken ta bay ta e siguiente den e lista di politico cera?

Les mas tocante e tema aki den nos Editorial riba pagina 5.

Doorlichtingrapport ta indica:

Ta dedica poco atencion structural na desaroyo di e docentenan y nan oportunidad di formacion



Un di problemanan subra ya den e doorlichtingrapport, y cu ya caba ariba varios ocasion a trece pa dilanti di parti di e veld di enseñansa, específicamente e maestronan, ta e falta di oportunidad pa e maestronan profesionalisa nan mes y refresca nan conocimiento pa brinda un miho educacion.

Bon educacion ta caracteriza pa lesnan efectivo, den cual e studiantenan por haci uso optimal di nan capacidadnan. Esaki ta rekeri un vision comparti ariba e accion pedagogico eficaz y adecua pa e grupo of gruponan obhetivo, e implementacion practico y sostenibel di e medidanan di mehoracion, e atencion structural pa e promocion di e maestronan y e liderazgo educativo explicito.

E grupo di trabou su observacion ta cu e proceso di enseñansa y aprendisahe na e scolnan di Aruba generalmente ta keda cortico den e aspectonan aki. E grupo di trabou ta considera cu e de-

saroyo di un bon sistema di siguransa di e calidad y promocion di un bon cultura di calidad ta hopi importante.

Durante e observacion di les- y combersacionnan cu e scol- y institucionnan, a bin pa dilanti repetitivamente algun obstaculo- y inkietudnan. E obstaculonnan aki ta referi na e enfoke educativo y e siguransa di calidad di educacion y esakinan no tabata limita na algun scol so of un solo sector.

Inspectie Onderwijs tambe a confirma e obstaculonnan aki identifica y a comparti e preocupacionnan expresa pa e sector educativo. E grupo di trabou ta deduci di esaki cu e siguiente preocupacionnan ta di caracter structural.

E enfoke educativo den klas no ta adecua

E grupo di trabou a tuma nota di diferencianan importante den e calidad di e lesnan. Nan a wak diferente ehempel, pero mas frecuentemente, e lesnan no tabata suficientemente efectivo. Na hopi scol e instruccion ta evidente, pero hopi biaha e studiantenan ta wak cu nan maestro ta papia pa hopi tempo.

Nan a indica cu nan a wak cu e maestronan ta preocupa principalmente pa duna informacion. Tin tiki interaccion funcional entre e alumno y e maestro y den hopi caso e maestronan tampoco

ta presta suficiente atencion na e alumnonan cu no ta comprende e splicacion di biaha.

E docente no ta profundisa su mes suficiente den e problema cu e estudiante ta experimenta, como resultado di loke e estudiante ta ricibi como ayudo of comentario specifico no ta suficiente y e oportunidadnan potencial di aprendisahe no ta wordo probecha.

Ademas, nan ta enfatisa cu e docentenan no ta conta cu suficiente herment pa enfrenta e problemanan linguistico di nan alumnonan. En general, falta un enfoke di henter e scol pa identifica y aborda adecuadamente e desbentahanan.

Falta un sistema di siguransa di e calidad of no ta suficiente na hopi di e scolnan.

E grupo ta splica cu frecuentemente tin falta di un sistema di siguransa di calidad cu ta proporciona e directiva di e scol informacion ariba e calidad di e proceso di enseñansa y aprendisahe y cu ta usa e informacion aki pa evalua y implementa medidanan di mehoracion. Tin tiki of nada di evidencia di un vision educativo ariba cual por basa e gestion.

Den klas, nan ta indica, hopi biaha no ta existi un sistema cu cual e docentenan por desaroya nan studiantenan cu e

meta di adapta e educacion na e necesidadnan educativo y di apoyo di e studiantenan aki. Pafo di klas hopi biaha tin falta di un ciclo di entrevista cu e personal cu e personal den cual ta analisa e desaroyo cu ta coincide cu e ambicionnan di e scol.

Tin falta di un cultura di calidad of e no ta suficiente na hopi di e scolnan.

E grupo di trabou a ripara cu na hopi di e scolnan a desaroya te na cierto punto un cultura na unda e docentenan ta traha pa mehora educacion ariba e base di un idea comparti ariba e calidad educativo. No ta trata di bay riba un enfoke dirigi na resultadonan of un liderazgo di e tipo aki.

Hopi biaha tin falta di un plan di profesionalisacion. A pesar cu ta pone poco atencion structural na e desaroyo di e docentenan y nan oportunidadnan di formacion, e grupo di trabou ta subraya cu e participacion, e compromiso y motivacion di e docentenan pa brinda educacion na e studiantenan den e circunstancianan aki ta impresionante.

Tin tiki of ningun espacio y presupuesto pa e desaroyo profesional.

E scolnan mester trata cu alumnonan cu diferente necesidadnan di apoyo y antecedentenan socioeconomico. Pa adapta e educacion na e necesidadnan di e studiantenan, e grupo di trabou

ta haya ta necesario un miho formacion di e maestronan, locual ta rekeri suficiente recurso.

E falta di un sistema di siguransa di calidad y e ausencia di un cultura di calidad na hopi di e scolnan ta haci cu e proceso di e enseñansa y aprendisahe no ta suficiente. E studiantenan ta siña menos di loke nan por siña, specialmente si ya caba nan ta experimenta problemanan di enseñansa of di lenguaje.

E grupo di trabou ta recomendar establece un sistema di siguransa di calidad na e scolnan dirigi, entre otro, riba e calidad di e accionnan pedagogico di e docentenan. Esaki ta beneficia e uso di e potencial di e docentenan y tambe di e studiantenan.

Evaluando regularmente e proceso di enseñansa y aprendisahe, e resultadonan, y tumando medidanan di mehoracion ora cu ta necesario, por fortalece e docentenan, e alumnonan ta ricibi e educacion cu ta ahusta na nan necesidad y talento y ta contribui na un cultura di calidad na e scolnan.

E grupo di trabou ta remarca cu un condicion pa establece cu exito un sistema di siguransa di calidad na e scolnan ta e acuerdo di e vision pedagogico ariba nivel escolar y un bon liderazgo educativo.

Partido AVP den problema interno hopi serio y tambe cu integridad

E no ta un secreto cu ex-minister di Finanzas, Tico Croes, a wordo condena penalmente pa viola ley di contabilidad y ex-minister di Asuntonan Social, Hubentud y Labor, Paul Croes, a draai un organizacion criminal den Colishi durante aproximadamente cuater aña. Ademá, comunidad ta bay haya sa mañan si ex-minister Benny Sevinger ta culpabel pa corrupcion y pa acepta soborno of no.

Partido AVP su problema penal y integridad

No solamente ex-minister Tico Croes of Paul Croes bao di AVP a wordo condena penalmente, sino tambe secretaria y tambe prima di Paul Croes, su chauffeur, su coordinadonan y campanadonan di AVP. E mesun estructura aki tambe por mira den e caso penal cu tin na e momentonan contra Benny Sevinger. Incluso, e mesun sospechoso cu a wordo condena caba den caso IBIS awor atrobe ta sospechoso penal den caso Avestruz.

Den echanan castigabel cometi ta inclui labamento di placa, aceptacion di soborno, violacion di ley di contabilidad, abuso di poder, participacion den un organizacion criminal estructura den Colishi, cooperacion y continuacion di un ontheffingfabrick, mal uso di funcion y tambe mal uso di fundacion di campana politico pa beneficio personal y hasta sustraccion (verduistering) intencionalmente.

Den tur esaki, te ainda Mike Eman lider di partido no a duna contesta con Fundacion Campana Mike Eman a haya e cifra di 49.950 dollar of mas pagonan for di Roberto Rincon, ken a acepta su culpabilidad na husticia Mericano pa soborna hendenan na otro paisnan (foreign bribery).

Rycond Santos do Nascimento ta pidi reforma interno den partido berde

For di algun dia caba, comunidad por scucha y lesa diferente noticianan cu tin di otro miembronan di partido AVP—entre otro, Gerlien Croes—pa loke ta trata integridad. Den esaki, Rycond Santos do Nascimento ta bin ta bati bel unda e ta pidi pa partido AVP traha riba un reforma interno cu urgencia.



Den un comunicado di prensa data 11 di april 2023, Santos do Nascimento ta señala cu “Echanan di miembronan prominente di partido ta pone cu awe, un nubia scur ta tapa tur e gran logronan di AVP. E echanan ey a causa cu awe credibilidad di e partido ta na suela. Tur dia ta confronta candidatonan di AVP cu e acusacion cu e partido ta corrupto. Ta tempo pa AVP tuma responsabilidad pa su imagen door di bolbe na e norma y balornan di good governance. E partido mester renoba su compromiso cu e vision di Mito Croes pa hisa calidad di gobernacion y politica na Aruba.”

Igualmente e ta sigura cu “e realidad ta cu sin compromiso cu integridad, AVP no merece e confiansa di pueblo pa goberna. Si e partido no demostra seriedad pa cu integridad, tur grito cu AVP mester pa salba Aruba no ta mas cu un pretexto pa no mira su mes den spiel. Sin compromiso cu berdad tur yamada pa subi caya no ta mas cu un expresion di deseo pa poder politico, mientras cu hustamente e tipo di poder aki ta corumpi.”

E discusion aki a bin dilanti

debi na e conflicto entre Santos do Nascimento cu su colega di partido Mike de Meza tocante e caso di Eddie Briesen, unda el a sigura cu “ta como miembro prominente di AVP el a sali defende e manera dudoso cu Eddie Briesen a negocia cu Lee Tofanelli and Associates Inc. Representando AVP, Mike de Meza a gaña publicamente cu e como minister a haya un ‘cassatieadvies’ negativo, mientras cu documento ta demostra cu Mike de Meza a haya e consejo pa bay Corte Supremo—pues cu e cassatieadvies tabata positivo. Tambe Mike de Meza a bisa cu e no a exonera Eddie Briesen, pero atrobe documentonan (un carta di De Meza dirigi na abogado Lejuez y un vaststellingsovereenkomst entre Pais Aruba y Eddie Briesen) ta muestra cu e ta gaña; ta Mike de Meza mes a percura pa hala e caso di Eddie Briesen aden sin ningun posibilidad pa rebiba e caso. E chens ta grandi cu De Meza ta responsabel pa e dañonan cu e caso aki a causa. Pero en bes cu partido hala atencion di De Meza, te dia di awe partido ta mantene man riba su cabes door di keda keto, bisando cu tin tranquilidad sin solucion. E silencio di partido tin un mensahe fuerte:

nos no ta critica miembronan prominente y nos no ta critica partido. Esey ta demostra falta di compromiso cu e berdad. E silencio ta expresa un cultura di cobardia y ta revela un disponibilidad pa gaña pueblo.”

Den comunicado tambe a indica cu “e mesun silencio aki nos tur por a mira den e caso di Paul Croes. Partido mester a splica Paul Croes cu for di momento cu Ministerio Publico a anuncia cu e ta sospechoso den caso Ibis, prudencia ta exige pa e entrega su retiro y aleha su mes for di politica te ora cu hues trece claridad den su caso.

Esey tabata necesario pa defende e imagen di institutonan politico di Aruba. Sinembargo, e interes personal di Paul Croes a prevalece. Partido a hasta permiti Paul Croes pa core campana pa eleccion 2017. Ta despues Paul Croes mes a opta pa bandona e campana, mientras el a “endorse” dos otro miembro prominente di AVP: Mike de Meza y Richard Visser. Pa henter Aruba ta obvio cu AVP no kier tuma su responsabilidad, mientras cu e solucion no ta dificil. Partido mester contesta e preguntanan critico: kico a pasa exactamente den e caso di Paul? Con e corrupcion aki por a tuma luga? Kico AVP ta bay haci pa evita cu e violacionnan di integridad lo ripiti?”

Pa loke ta trata e caso di Benny Sevinger, “e historia aki ta ripiti su mes: na ningun momento partido kier a splica e miembro prominente aki, cu for di momento cu Ministerio Publico a anuncia cu e ta sospechoso den caso Avestruz, prudencia ta exige pa Benny entrega su retiro y aleha su mes for di politica te ora cu hues trece claridad den su caso. Esey no tin nada di haber cu su culpabilidad, sino cu nos compromiso pa proteccion di integridad di nos institutonan.

Es mas, e echo cu Benny no a aleha su mes, ta demostra un falta di consideracion cu interes di e reputacion di AVP mes como e partido cu mas aña di existencia. Pio ta cu partido mes a dicidi pa defende Benny, pa ataca Ministerio Publico y muestra dede riba Evelyn Wever-Croes. Atrobe e mensahe ta cu interes personal di miembronan prominente ta prevalece.”



Cruz Cora Aruba ta anuncia nan evento anual pa recauda fondo

Ayera, durante un conferencia di prensa, Cruz Cora Aruba a anuncia nan evento anual di recaudacion di fondo. E aña aki e fiesta ta bay hiba e tema di “Starry Night” y manera ta custumber, e fondonan recauda ta bay duna Cruz Cora Aruba e oportunidad pa sigui brinda ayudo na comunidad di Aruba cu nan programanan social.

Indra Pereira, Marketing & Fundraising Manager di Cruz Cora Aruba, a splica cu Cruz Cora ta brinda comunidad di Aruba ayudo a traves di varios programa durante henter aña, manera entre otro nan Food Kitchen, Feminine Hygiene Program y Biba Bida, entre otro.

Food Kitchen ta un programa cu ta wordo organisa na Lagoweg na e branch di Cruz Cora Aruba na San Nicolas, den cual nan ta sirbi cuminda tres biaha pa siman pa personanan cu mas tin mester di dje. Apart di esaki, Cruz Cora ta yuda e personanan aki tambe cu paña, sapato y produc-



tonan pa cuido personal. E programa Feminine Hygiene Program ta encera entrega di paketenan cu ta consisti di productonan femenino pa yuda e mucha-, hoben- y hendenan muhe cu no tin manera pa cumpra esakinan.

Pereira a indica recientemente cu nan a caba di haci entrega di 1300 pakete di productonan di cuido personal y productonan femenino na scolnan basico y voortgezet onderwijs di SKOA pa yuda

muchanan cu no tin y cu tin mester di esaki.

“Esaki ta haci nos hopi contento, pasobra nos sa cu productonan di higiena personal y femenino ya ta cay fuera di e presupuesto di hopi famia cu ta consisti di varios ser femenino. Cu nos por yuda di e manera aki ta duna nos un satisfaccion hopi grandi,” el a expresa.

Cruz Cora Aruba tin un programa yama Biba Bida cu ta nan programa pa adultonan



mayor. Cu e programa aki, nan ta organisa cada pasa un luna encuentronan social, educativo y recreacional pa un grupo di mas o menos 80 adulto mayor.

“Asina tambe nos tin varios otro programa of actividad cu nos ta yuda henter aña y asina nos ta touch bida di hopi persona den nos comunidad,” el a agrega.

E evento “Starry Night” ta yuda Cruz Cora Aruba ta tuma luga dia 24 di juni na

Passions on the Beach Restaurant y entretenimento ta den man di Robert Jeandor y Su Solo Banda. Ticketnan ta obtenibel na oficina di Cruz Cora Aruba y Amsterdam Manor hotel na balor di 350 florin pa pareha.

“Cu compra di nos ticketnan pa e evento aki dia 24 di juni bo ta yuda nos brinda y sigui continua cu e proyectonan aki. E anochi ta priminti di ta uno magico,” Pereira a remarca.

Otmar Oduber: “Abuso mi ta sinti ta tumando lugar di parti di Ministerio Publico”

Den un conferencia di prensa ayera tardi, ex-politico Otmar Oduber a yama trece dilanti un update di e caso penal Flamingo, sigurando cu te ainda e acusacionnan den su contra no tin base.

E motibo di e di tres conferencia di Oduber pa e aña aki, segun el a sigura, ta debi cu for di aña 2019 cu e caso aki a cuminsa tin un investigacion y acusacion andando “cu ta manchando mi nomber.” El a yama un conferencia di prensa pa defende su honor y su nomber, debi cu e ta sinti cu su persona a wordo viola pa Ministerio Publico.

Su abogado Vito Carlo a expresa cu Oduber como un sospechoso den caso aki, su persona tin e derecho si investigacion ta tardando of si e ta haya cu Ministerio Publico ta drumi, e tin derecho di bay corte pa pidi hues comisario pa termina e investigacion of duna un fecha final pa Ministerio Publico tuma un decision.

Na november di aña pasa, hues comisario no a bay di acuerdo cu e peticion aki y



cu e investigacion te ainda ta andando y cu januari di e aña aki e dossier mester tabata cla pa tuma un decision den e caso, segun Ministerio Publico a informa nan.

Te na e momentonan aki nan ta wardando un decision di hues comisario si ta bay duna un fecha final pa e caso of no, “mi ta haya hopi straño, normalmente Ministerio Publico tin un sospecho, nan ta investiga y nan ta persigui bao

e sospecho, awor aki ta parece tin un investigacion pa purba saca un sospecho y a base di esey ta bay pidi pa bay persigui, di e sospecho cu tabatin na comienso, nada a sali afo, e flamingo mes no tin nada, nada di dje,” Carlo a señala.

Esey ta e parti legal cu Carlo a splica cu nan ta bezig cune na e momentonan aki pa purba di obliga Ministerio Publico pa tuma un decision y “pa no laga Otmar Oduber mas den

insiguridad cu e ta aworaki.”

Oduber tambe a sigura cu nan a bay riba un investigacion “pero nan no a haya nada, mi ta imagina mi cu nan ta bergonsa aworaki, pasobra ta placa di pueblo, ta cantidad di Hulandes a bin, RST, tur hende ta involvi, nan ta kere nan ta gara otro politico, un otro minister mas, pasobra esey ta e meta, pa mancha Aruba y mancha riba politiconan, pero ora nan a realisa

cu no tin nada, nan a bay colga riba un denuncia falso cu Marisol Lopez-Tromp a haci dos luna despues cu nan bay haci inval na mi cas.”

Igualmente, el a declara cu Ministerio Publico a confirma na nan cu e rapport ta cla, e investigacion a keda cera pero casi cuatro luna a pasa y te ainda nan no a tende nada mas.

E ta puntra si tin caso contra Marisol Lopez-Tromp of no, pa motibo cu el a bisa cu el a gaña y cu den DIP si tin cosnan cu tin cu papia riba dje.

El a bisa tambe cu el a pidi audiencia cu fiscal di Ministerio Publico pero tampoco no a haya contesta, e persona cu a cuminsa cu e caso mes ta un persona anonimo na unda su acusacionnan te awor no tin base y cu aworaki no tin otro acusacion sino solamente esun di Lopez-Tromp.

Pa finalisa, el a caba e conferencia di prensa sigurando cu “e cos ‘ki mester caba y si mi mester bin back den ring, mi ta bay back den ring, pero nos ta bin cu un glove bisti e bi-aha aki.”

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Integridad ta problema... *Di e partido berde so...?*

Faltando algun dia apenas pa corte duna sentencia den caso Avestruz, cu un actual parlamentario di e partido democrata cristian como cabez di un – segun Ministerio Publico – organizacion criminal, finalmente ta parece cu e bom a rementa den e partido menciona. E declaracion publico di un otro parlamentario di e partido antayera, a expone e problema interno den tur su hanchu y largo.

E debate interno ta tocante e posicion cu e partido lo mester a tuma encuanto e diferente casonan di corrupcion den su seno, cu ta na punto di pone un segundo ex-ministro di e partido den prison. E mensahe di e parlamentario ta cla y raspa: si e lidernan di partido no ta capaz di reconoce loke a tuma lugar na corrupcion dentro di e partido, no por tin confianza di e electorado den e partido tampoco. Si no tin un pronunciamiento explicito na favor di integridad, e partido lo no tin e autoridad moral tampoco pa hende tin confianza den nan.

Palabranan hopi fuerte di parti di un di miembran mas prominente y hoben den e partido, cu por yega na un ruptura di confianza cu e grupo di lider di mas edad, cu tin rienda di partido den nan man. No cu el a bisa esey cu tanto palabra, pero nos no ta anticipa cu di parti di e otro lidernan lo sigui awor un ‘mea culpa’ pa pasa despues pa cumenza construi di berdad un ambiente nobo y refrescante di integridad den e organizacion. Mas bien su accion lo hiba na su expulsion di e partido, sigur ora cu diabierna venidero lo tin e sentencia den e caso di corrupcion cu tereno propiedad di pueblo, un di e negoshinan mas grandi dentro di e aparato publico pa hopi aña caba.

E asunto di integridad tin mas obstaculo interno, pasobra ainda varios persona ta puntra con a para cu e caso di placa di campaña (US\$ 50.000) cu fundacion politico di e lider democrata cristian a ricibi di parti di e Venezolano corrupto Roberto Rincon, actualmente cera na Merca como un di e integrantenan mas importante den un scandal di corrupcion cu a costa empresa nacional Venezolano Pdvs a varios mil milyon dollar. Parti di su inversionnan e tabata desea di haci na Aruba aparentemente, pa cual el a pidi e ministro di e tempo ey, actualmente e acusado principal, tereno pa construi sin mester a cana e caminda normal. Un di e casonan cu a atrae atencion promer cu e caso Avestruz a cumenza.

Pero, si acaso e partido aki pronuncia su mes na favor di integridad y contra corrupcion, nos lo ta cla? Nos ta tende palabra y accion pro integridad

di e otro partidonan? Palabra si; regularmente ta referi na e partido democrata cristian como ‘un universidad di corrupcion’ y nos lo no perde tempo pa contradeci e expresion. Sin embargo, cuanto realmente nos a mira na cambio drastico den maneho di e departamentonan mas vulnerable pa corrupcion? Cuanto medida a anuncia pa restablece algo cu pa hopi aña no ta existi mas den mayoria di departamento, cu ta e control interno cu mester tin? Bo por organiza un Bureau Integriteit unda empleado publico por haci denuncia, pero bo no mester depende di esey so; mester tin e procesonan di control interno cu gobernacion corrupto y/o ignorante a destrui durante mas di trinta aña. Si no, ta imposible pa nos sa si algo a drecha, por ehemplo den emision di tereno erfpacht pa comercio. Ta existi te awe e practica di e ‘maatschappelijke bijdrage’ unda pa varios aña caba miyones ta bay na fundacion y asociacionnan, sin cu tin un control parlamentario riba e fluho di placa aki? Y ademas, manera nos a yega di publica caba, e manera no fiha den ley di exige placa di comercio, cu ta bay pa e beneficiario cu e ministro ta scoge, ta un delito segun nosCodigo Penal. E ta en efecto un tipo di ‘extorsion’ cubri cu un saus di legalidad falso. Ki dia lo investiga e fluho di capital no controla aki? Pakico nos no por cumenza cu ‘follow the money’ pa mira unda e miyones ey a bay?

Y tin mas asunto. Que hubo di e cambio di Constitucion pa haci cu automaticamente un ministro o parlamentario ta keda suspendi den nan funcion, pareu cu tin un caso di encarcelacion preventivo? Nos ta keda lidia cu mitar medida envez di tuma e paso drastico di incorpora esaki den Constitucion? Si e legendario neishi di corrupcion Sint Maarten tin esey, pakico anos no? Esaki ta requeri consenso amplio den parlamento, mas cu pa otro ley. Nos lo mira e cooperacion aki, si (casi) tur hende ta pro integridad?

Diabierna venidero, con cu e sentencia ta bay ta, e opinion publico encuanto e ex-ministro y otro acusadonan lo inunda publicidad. Lo tin opinion pro y contra, segun posicion politico individual. Nos lo no ta enfoca riba e opinionnan ey so. Nos lo keda fiha riba kico ta haci cu integridad y transparencia na tur nivel. Ta di aprecia cu e parlamentario menciona a tuma e curashi pa inicia e bataya den su partido. Por ta cu e ta keda sin partido, y nada lo cambia. Y por ta cu en general tampoco nada lo cambia, pasobra e actual coalicion ta haya cu nan ‘ta haci hopi caba’. Pero esey ta parti di e roadshow, mientras nos no ta mira e cambionan mas profundo necesario pa prevencion.

Premier Evelyn Wever - Croes:

A trata temanan di desaroyo di Aruba cu premier di Hulanda Mark Rutte



Prome Minister Evelyn Wever - Croes a reuni cu Prome Minister di Hulanda Mark Rutte. Durante di e reunion aki Premier Rutte a expresa palabranan di agradecimento pa e rol cu Aruba a hunga den e conferencia tocante awa cu a tuma luga recientemente na Nacionnan Uni. Ademá, a trata varios tema relaciona cu desar-

oyo di Pais Aruba.

Prome Minister Wever - Croes a expresa cu Premier Rutte a reconoce e rol importante cu Aruba tabatin durante e “UN Water Conference” y particularmente pa e papel di Presidente Ex Officio cu Prome Minister Wever - Croes a desplega durante e conferencia importante aki. Poniendo nomber di Reino Hulandes y Aruba hopi halto,

cual ta hopi importante.

Durante e reunion cu Premier Rutte a trata varios tema di desaroyo di Aruba. Entre otro con economicamente Aruba ta fortificando, y e hecho cu Aruba ta yegando nivel di crecemento economico cu tabata conoce prome cu pandemia. Tambe a trata e nivel di turismo na Aruba y con lihe Aruba ta recuperando danki esfuerzo di cada ciu-

dadano. A trata tambe e tema di situacion financiero di Aruba y cu ta riba rumbo di finanzas sostenibel y duradero, y aworaki ta papiando cu Hulanda riba pago di e debe cu tin cu Hulanda. Ademá a papia tocante e reformanan cu ta pensa di implementa pa haci Aruba un pais mas fuerte y resiliente. Pues tur esey a pone cu tabatin un reunion hopi interesante. Asina poco

poco ta estrecha e lasonan mas, prome Minister Wever - Croes a splica.

Finalizando e reunion, ambos Prome Minister a desea otro palabranan di exito pa atende cu e retonan presente na cada Pais. Y Premier Rutte a indica cu e ta preparando pa realiza un biahe pa Aruba pronto. E tabata un bon reunion, Prome Minister termina bisando.

Den cuadro di e National Energy Policy,

Tin decisionnan importante cu gobierno di Aruba ya a tuma

Gobierno di Aruba ta na caminda pa realisa e Aruba Hydrogen Valley, cual proyecto lo haci di Aruba e isla lider den Caribe riba diferente aspecto energetico.

Estableciendo Aruba Hydrogen Valley, Aruba lo ta e prome den Caribe cu lo tin un propio ‘refineria’ di hidrogeno. Den e mundo di hidrogeno esaki yama un electrolyzer.

Aruba Hydrogen Valley, lo manda e señal pa mundo cu nos pais pa chikito cu e por ta, si ta tuma e acuerdo di Paris 2050 na serio y cu ya ta tumando e pasonan necesario pa por cumpli cu esaki.

Aruba Hydrogen Valley, lo percura inmediatamente pa un medio ambiente limpi eliminando tur emision contaminante.

Como e prome den Caribe, e por duna nos e posicion ventahoso di por bira un pais exportador di hidrogeno pa region.



E refineria lo ser reactiva a base di energia limpi, creando cupo di trabao y un spin off economico grandi pa San Nicolas y pilar economico Aruba en general. Lo uza ekiponann existente di Refineria, transforma nan den planta di produccion di hydrogeno.

Un decision importante y crucial cu Gobierno di Aruba a tuma ta e realisacion di e proyecto di EAGLE LNG na Aruba. Dje forma aki nos empresa estatal WEB Aruba NV ta bay elimina e uzo di HFO – Heavy Fuel Oil. Den e proximo 30 luna lo cambia pa gas natural. Esaki ta e deci-

sion determinante cu recien den Gobierno, cu Gabinete Wever Croes 2 a tuma riba nivel di energia.

Otro decision importante ta cu UTILITIES NV a inicia e proceso di bidding pa expansion di e parke di molina di biento na Rincon. Un decision fundamental cu na Juni proximo, e decision final ta wordo tuma pa loke ta e compania cu lo gana e “Request For Proposal (RFP)” pa loke ta e realisacion di e expansion di e parke di molina di biento.

Entre e produccion di e parke cu ta genera electricidad, pa loke ta trata Eagle LNG su suministro di gas, e inversion cu WEB ta haciendo den nan propio planta pa ta mas eficiente, lo yuda grandemente combati contaminacion di nos medio ambiente y e costo di operacion.

Nos empresa ELMAR y su plannan pa parkenan solar ta bay ta fundamental den e generacion di electricidad a base di forma limpi. Actu-

almente tin un parke solar na airport, na RDA y riba e daknan di MFA tambe tin panelnan solar poni. Nos determinacion como Gobierno ta pa construi mas parke solar rond di Aruba pa asina e componente di solo aporta na generacion di electricidad limpi.

Ora cu tur e componentenan aki bini hunto, bo tin e formula perfecto. Na e momentonan aki nos refineria ta para y Gobierno ta pagando hopi placa pa mantene den bon condicion pa su reactivacion a base di energia limpi.

E meta final ta pa a base di energia limpi ofrece un miho prijs di awa y coriente na henter nos comunidad ademá di yega na e meta comun di tratado di Paris cu pa aña 2050 tur pais mester yega na 0 emision pues 0 contaminacion.

“Esaki ta un decision cu nos ta tuma no solamente pa nos comunidad pero tambe pa humanidad”, e mandatario a expresa.

Pildo estilo “morning-after pill” por yuda infeccion transmiti sexualmente

(YahooNews)—Oficialnan di salud na Merca a publica data diamars cu ta mostra con casonan di clamidia, gonorrea y sifilis ta aumentando rapidamente, pero dokternan ta spera cu un medicamento bieu lo por yuda combati infeccionnan sexualmente transmiti.

Expertonan ta kere cu tipo di infeccionnan aki ta aumentando pa via di un reduccion den uzo di condom, educacion insuficiente tocante sexo y un reduccion den test durante e pandemia. Pa purba cambia esaki, hopi dokter ta mira antibiotica barata doxycycline como un bon solucion pa infeccionnan.

CDC ta creando recomen-

dacionnan pa uza esaki como un “morning-after pill” pa preveni infeccion, segun Dr. Leandro Mena, ken ta director di e division di infeccionnan sexualmente transmiti pa e agencia. E droga ta wordo uza caba pa trata diferente infeccionnan. Un estudio publica siman pasa a mostra su potencial pa preveni infeccionnan sexualmente transmiti.

Den e estudio, 500 hombernan homosexual, bisexual y muhenan transgenero na Merca a tuma un pildo di doxycycline dentro di 72 ora despues di tin relacion sexual sin proteccion. Esnan cu a tuma e pildo tabatin 90% menos riesgo pa contrata clamidia, 80% menos riesgo pa contrata sifilis y mas cu 50% menos riesgo pa contrata



gonorrea, compara cu esnan cu no a tuma e pildo, segun investigadonan a descubri.

“Nos mester acercamentonan y innovacionnan nobo si” pa yuda controla e tipo di infeccionnan asina, segun Dr. Philip Andrew Chan, ken ta consultando cu CDC tocante

e recomendacionnan. Uzando e antibiotica pa preveni e tipo di infeccionnan aki “no ta bay ta un bala magico, pero si e ta bay ta un otro herment,” Chan a bisa.

Expertonan a nota cu CDC lo tin hopi factor pa pesa mientras cu e ta desaroyando

e recomendacionnan. Entre otro: e droga por causa efec-tonan manera problema cu stoma y erupcionnan den cuero despues di exposicion pa solo. Algun investigacion a descubri cu e droga no a efectivo pa hende muhe heterosexual, y uzo di e pildo riba scala grandi como un medida preventivo por contribui na mutacionnan cu ta haci bacteria mas resistente contra e droga, mescos cu a pasa cu otro antibiotica den pasado.

Asina mes, Departamento di Salud Publico na San Francisco a bira e prome departamento di salud na Merca pa distribui guia tocante doxycycline como un medida pa preveni infeccion. Otro clinica ta recomendando antibiotica pa pashentnan cu por tin riesgo mas halto.

China ta reporta prome morto humano pa griep H3N8 na mundo



(SeekingAlpha)—Un hende muhe Chines a bira e prome persona na mundo pa muri di e tipo di griep aviar cu no sa plama entre humano, pero e riesgo di transmision ta abou ainda, segun e Organizacion di Salud Global (WHO).

E infeccion aki relata na e virus di influenza aviar (H3N8) ta e di tres caso cu China a reporta te awo, y e pais ta ubica tur caso di H3N8 global, incluyendo dos caso den 2022.

E pashent, un muhe di 56 aña di edad for di provincia Guangdong, a muri dia 16 di maart despues ta wordo hospitalisa cu neumonia severo dia 3 di maart, segun WHO a declara diamars. “A base di informacion disponibel, ta parce cu e virus aki no tin e habilidad pa plama facil di hende pa hende, y p’esey e riesgo di plamamento na nivel nacional, regional y in-

ternacional ta considera di ta basta abou,” WHO a añadi.

E infeccion di H3N8 no tin conexion cu e variante H5N1 di e virus, cual awo ta plamando entre parhanan salvahe y domestico na Merca. Segun e data for di e Centro-nan di Control y Prevencion di Malesa (CDC), H5N1 a afecta casi 59 parha y a resulta na un caso humano. “Na momento aki, e caso humano di e infeccion di H5N1 aki no ta wordo considera como un riesgo pa salud publico di e populacion na Merca,” segun CDC.

Aña pasa, a cita e plamamento di e griep aviar aki como un motibo pa e aumento di inflacion riba cuminda na Merca pa via di su efecto riba operacionnan di calacuna y webo. Pero e ultimo data di CPI a indica cu un reduccion den prijs di webo y carni di parha.

Chef de cuisine

If you are interested
please apply :
hr@doit.aw

“Racismo, Anti-Semitismo, homofobia y misogeno”

Ex-empleadonan di FvD ta describi lider Baudet

(NLTimes) – Ex empleadonan di FvD a describi e atmosfera den e partido como toxico, intimidante y poco safe. Segun nan, e lider di partido Thierry Baudet regularmente tabata confronta nan cu racismo, anti-semitismo, homofobia y misogeno. “Esaki literalmente a destrui mi como un ser humano,” un empleado a conta AD.

E corant a papia cu 14 ex miembro di e partido, 3 otro persona involucra y a studia varios documento di correspondencia, incluyendo e-mail y mensahenan di texto. E corant a haya e imagen di un ambiente laboral unda cu e personanan cu critica e partido a ricibi boetnan masivo, nan a ricibi porno sin solicita esaki y empleadonan regular-



mente a sufri di acoso.

Segun ex empleadonan di FvD, ningun persona a tribi di bisa Baudet cu e tabata bayendo demasiado leu. E tabata un hefe cu no por a predici. “Un momento bo ta fantastico y Thierry ta yen di alegria y ta mira tur cos di

manera positivo,” un a aplica. “Y den otro momento, e ta bira ‘bo ta un empleado cu no ta sirbi y no ta bal nada.’”

Otro empleado a skirbi tocante esaki den su diario. “Mi tabatin miedo. Miedo di Thierry Baudet y su animo cu no por premira,” nan a

skirbi, describiendo un incidente unda Baudet a zundra pa motibo cu no tabatin ijs ni lamunchi pa su bebida alcohólico. “Mi a bay keto. Te ainda mi tabatin rabia den mi, Mi tabata kier yora pero mi no tabata por. Mi tabatin un miedo inmenso na trabao.”

E correspondencia den posesion di AD a muestra cu varios miembro di FvD a keha di Baudet su declaracionnan racista. Baudet su mensahenan tambe hopi biaha tabata misogeno segun empleadonan anterior di e partido. Tambe tin incidente unda cu segun un ex empleado Baudet a manda su persona un video pornografico cu George Floyd poco despues cu e Mericano a fayece durante un aresto violento. “Bo por mantene un secreto no?”

Baudet a manda su persona conhuntamente cu e video segun e ex empleado.

A papia tambe di varios boet cu Baudet tabata duna na e empleadonan si nan tabata critica Baudet of e partido den media. Baudet a conta AD cu “den varios caso” tabatin accion legal contra ex miembronan di FvD pa violacion di e confidencialidad cu ta “hopi comun den ley di empleo.” Segun Baudet, e partido ta “hopi enfoca riba yega acuerdo. Pero cada biaha personanan cu a bay caba ta sali dilanti den media. Si, ta yega un momento cu bo ta tuma accion.”

Pa loke ta trata otro acusacionnan y declaracionnan, te ainda no a ricibi contesta di e lider di partido.

Respuesta atrasa na rapport di Amnesty

(CuracaoChronicle) – Secretario di Estado pa Relacionnan di Reino Alexandra van Huffelen lo responde na e reportahe di Amnesty no mas tarda cu mita di mei.

E secretario di Estado a bisa cu e tin mester di mas tempo. E kier yega na un respuesta conhuntamente cu e Ministerio di Husticia y Siguridad. E ta skirbi esaki den un carta cu el a manda dirigi na e Cas di Representantenan di Hulanda.

Dia 23 di februari, e comite pa relacionnan den Reino a pidi Van Huffelen pa un respuesta gubernamental na

e reportahe titula “Corsou, poco mehoracion den e proteccion di Venezolanonan.” Den e reportahe en cuestion, e organizacion di derechonan humano ta declara cu e situacion di Venezolanonan buscando proteccion na Corsou no a mehora substancialmente desde aña 2021. E reportahe aki ta basa riba 4 refugiado ken a monitor durante un aña.

E tema aki tin varios tempo andando, for di aña 2021 ora cu Amnesty International a documenta 22 caso di Venezolanonan, incluyendo muchanan, cu a ser suheta na violacionnan di derechonan humano manera detencion

automatico bao condicionnan inhumano, maltrato, separacion di famia y e negacion di busca nan derecho pa ricibi asilo. Esaki tambe a conclui cu e situacion pa Venezolanonan buscando proteccion na Corsou no a mehora for di e tempo cu a crea un reportahe anteriormente den aña 2018.

Na e tempo aki, e Gobierno di Corsou a bisa cu nan lo a cuminsa cumpli cu e leyman internacional, sin embargo ta aparenta cu no a mira un mehoracion, y actualmente ta warda riba un respuesta pa cu e reportahe mas actual, unda tambe a reporta cu no a mira mehoracion te ainda.



Sospechoso na Corsou di tiramento cu a asesina musico Hulandes aresta na Vlaardingen

CuracaoChronicle) – Polis na Hulanda a anuncia e aresto di un homber di 44 ana sospecha di a asesina Ruchendell ‘Boechi’ Windster. E musico Hulandes a ricibi tiro fatal na Willemstad, Curacao december ana pasa. E sospechoso a keda deteni di asabra.

E rapper di 30 aña tabatin raiz Antiano y tabata conoci pa su letranan cual hopi biaha tabata na Papiamentu. E tabata riba e isla pa varios presentacion cu e tabatin den plan ora cu el a ricibi tiro na un truck



di cuminda. El a fayece na e escena di tiro cu el a ricibi den pecho. Na mesun tempo, polis no por a confirma declaracion di e testigonan cu e tiro a

cuminsa cu un discusion entre Boechi y e pasaheronan di un auto blanco involucra den e tiro.

Detectivenan a “yega na y

aresta un sospechoso di 44 aña di Corsou na Vlaardingen,” polis Hulandes a declara. E investigacion tabata un esfuerzo cooperativo en-

tre autoridadnan riba e isla y autoridadnan na Hulanda. E sospechoso a ser poni den custodia cu restriccio y solamente ta permiti tin contacto cu su abogado.

E ta permanece den custodia y ta premira cu lo hiba su persona e isla pronto. “Ministerio Publico (OM) y Cuerpo policial di Corsou a lansa un investigacion profundo, reuniendo mas y mas evidencia tocante e circunstancianan di e asesinato. Den relacion cu e aresto, 3 buskeda a ser ehecuta na Corsou.”

Polis ta detene manifestanten cu a acerca Macron durante su bishita na Universidad di Amsterdam



(NLTimes)—Ayerá di-aranson, polis a detene un homber y muhe na e parke di Ciencia na Amsterdam durante e bishita di presi-

dente Frances Emmanuel Macron na e Universidad di Amsterdam (UvA). Macron a bishita e facultad si ciencia cu Rey Willem-Alexander. Segun e polis, e dos detenido a acerca e president, gritando slogannan Frances. Nan a wordo deteni pa strobacion di ordo publico y pa haci menasa contra e presidente.

Un vocero pa e polis a reporta cu oficialnan policial a stop e muhe prome cu e por a yega cerca na e president. E homber a logra scapa polis. Segun un fotografo pa ANP,

seis guarda di seguridad a pusha e homber pa suela y a bay cune. Un guarda a tapa boca di un protestado. Cinco oficial di polis a bay cune despues.

Segun locutor NOS, e protestadonan a grita algo relatando na e demostradonan di labor na Francia. Media Frances a reporta cu e tabata cantando for di e movimiento di vest geel. Guardanan di seguridad a logra stop e protestadonan un par meter for di Macron y Willem-Alexander, ken a keda papia cu otro durante e incidente.

Diamars, demostradonan a stropa e discurso di e presidente Frances na Den Haag. Nan a yama Macron e “presidente di violencia y hipocresia” y a mostra varios banner. E demostradonan a referi na

e protesta andante na Francia como un reaccion pa e ley controversial di pension.

E presidente Frances y su casa, Brigitte, a conclui nan bishita di estado na Hulanda ayera. Na e parke di ciencia di e universidad di Amsterdam, Macron y e rey tabata plania di haci un tour di e Quantum Gases y Quantum Information Lab como parti di e cooperacion Hulandes-Frances den e tereno di tecnologia quantum na e Instituto di Fisica.

Na e mesun momento, Reina Beatrix y e prome dama di Francia tabata plania di haci un tour di e facilidad opera pa e fundacion Mind US, unda Maxima ta e president honorario. A plania pa nan discuti salud mental di hobennan y e acercamento y obhetivonan

di e fundacion

Despues e grupo mester a reuni na Rijksmuseum. E dos pareha ta bay bishita e exhibicion di Vermeer cu Prome Minister Mark Rutte y otro nan. Despues Maxima y Brigitte Macron mester a tuma un crucero den canal cu un delegacion di hende muhe.

Ayerá mas atardi, delegacionnan for di Cabinet Hulandes y Frances a reuni pa un segunda consulta di gobi-erno, cual ta diseña pa “sigui expande e amistad y cooperacion entre Hulanda y Francia y hiba esaki na un nivel mas halto,” segun e oficina di prensa di Cabinet Hulandes. E cabinetnan a discuti asun-tonan manera defensa, innovacion, energia, asunto exter-no, migracion y investigacion cientifico. Rutte tambe a papia cu Macron.

Huur di acomodacion den sector liber a baha cu 2%; diferencia grandi entre ciudad



(NLTimes)—E averahe di rent pa acomodacion cu no ta regula a baha un tiki den e prome kwartaal di e aña aki compara cu un aña prome. E prijs en averahe di un vierkante meter tabata 16,85 euro, cual ta un reduccion di casi 2% pa aña. Den e prome tres lunanan di 2022, e prijs pa cada vierkante meter ainda tabata na 17,18 euro, segun plataforma di acomodacion Pararius a reporta diaranson a base di ofertanan di huur riba su website.

Despues di un reduccion chikito riba nivel nacional, Pararius a nota algun aumento di prijs significativo den varios ciudadnan grandi y mediano. E prijs en averahe di vierkante meter den un gran parti di Den Haag a aumenta cu 6.4% compara cu e aña prome. Esey ta conta pa 18,18 euro pa cada vierkante meter.

Rent tabata 5.7% mas halto na Amsterdam, cual ainda tin e prijs mas halto pa cada

vierkante meter, esta 25,68 euro. Di e 15 ciudadnan mas grandi na Hulanda, Nijmegen cu Groningen so a mira un reduccion den prijs den sector liber.

Director di Pararius, Jasper de Groot, a bisa cu e aumento den e ciudadnan ta mas tanto pa via di un demanda cu ta supera oferta den e mercado di acomodacion. Segun e, esey a wordo causa parcialmente pa e ley di Minister Hugo de Jonge (Acomodacion y Planificacion Spacial) cu ta pone un prijs maximo den e sector liber.

A resulta cu mas di 327.000 hogarnan for di e segmento liber mester cambia pa huur mas barata, y hopi huurdo no ta considera eligibel mas pa esakinan pasobra nan salario ta hopi halto.

Algun propietario nan tambe ta bay bende nan acomodacionnan di huur. “E casnan aki ta bay bek den mercado pa e salarionan mas halto, pues otro nan ta wordo pusha na banda,” segun de Groot.

Chef de partie

Yes We're HIRING

If you are interested please apply : hr@doit.aw

SUPER Doit Center

Colombia:

A captura feminicida di hoben Peruano

(La Republica) - A captura Sergio Tarache -hoben di 21 aña y nacionalidad Venezolano ken tabata busca tanto na nivel nacional como internacional pa e feminicidio di Katherine Gonzalez di 18 aña-riba diamars 11 di april pa Polis di Colombia mientras e tabata cana den e cayanan di Bogota.



Gonzalez a muri despues di seis dia di lucha na Hospital Loayza, unda e tabatin kemaduranan na henter su

curpa despues cu Tarache a basha combustibel riba dje y a candel'e den candela pa despues huy for di e lugá. E

atake aki a tuma lugá diasabra 18 di maart na Plaza 2 de Mayo na centro di Lima, Peru.

Segun fuentenan cercano na Polis, un persona a reconoce Tarache y a avisa autoridadnan, Polis a procede cu su intervencion mientras e tabata nenga di duna su identificacion.

Di otro banda, Cancierya di Peru a traves di red social Twitter a anuncia cu Consulado General di Peru na Bogota ta apoya e gestion vincula na captura di Tarache. Segun e relato policial di e hechonan, ta trata di Sergio Tarache Parra, un hoben cu e

cual Gomez tabata mantene un relacion sentimental, di e cual el a dicidi di pone fin.

Bendedonan cu tabata den e zona e dia ey a yuda e victima y nan a logra paga e candela, pero no na tempo pa evita cu 60% di su curpa a kima.

Seis dia e famia di Gomez mester a warda pa autoridadnan duna un orden di captura contra Tarache ken a sali di e pais di manera ilegal pa no pasa ningun control migratorio.

CIDH a ordena Mexico pa adecua su Constitucion pa regula prison preventivo

(Infobae) - Corte Interamericano di Derechonan Humano (CIDH) a haya cu Estado Mexicano ta responsabel di violacion di varios derecho di dos homber na ken autoridadnan hudicial a manda na prison preventivo durante 17 aña y cu ademas nan a sufrí di tortura den periodo cu nan a permanece deteni.

Presidente di CIDH Ricardo Perez, ayera 12 di april a notifica e sentencia den un acto unda tabata presente e representantenan di e victimanan y funcionarionan di Estado.

Ademas, e resolucion ta indica cu Mexico lo mester adecua na standard internacional su ordenamento huridico interno tocante prison preventivo, loke ta nifica cu mester promove un adecuacion na articulo 19 di su Consti-

tucion pa elimina e figura ey.

“E corte aki ta ordena na Estado, manera a wordo haci den otro casonan, pa adecua su ordenamento huridico, incluyendo disposicion constitucional, pa ta compatibel cu Convencion Americano,” CIDH a señala.

Abogado y defensor di derechonan humano, Simon Hernandez Leon, a califica e hecho aki como “un fayó historico.” Pa prome biaha, Corte Interamericano di Derechonan Humano ta ordena Estado Mexicano un reforma constitucional y lo mester adecua su articulo 19 pa elimina e prison preventivo oficioso.”

CIDH cu tin su sede na Costa Rica a haya cu Mexico ta responsabel di violacion di derechonan di integridad personal, libertad personal, garantia hudicial, igualdad



den e ley, proteccion hudicial, wordo scucha, presuncion di inocencia y e principio di plaso rasonabel.

E caso aki ta referi na violacion di e debido proceso y libertad personal contra Daniel García Rodríguez y Reyes

Alpizar Ortiz, nan a wordo acusa di mata e gobernador di Atizapan na 2001, Maria de los Angeles Tames.

Garcia y Alpizar a permanece den prison preventivo pa 17 aña, e tempo di mas largo cu un hende por ta deteni na

Mexico sin un sentencia, hasta 2019, ora nan a keda bao aresto domiciliario cu uso di armband electronico. Na 2022 nan a wordo condena na 35 aña di prison, sentencia cu ta den proceso di apelacion.

Masacre na un waf na Ecuador a laga 9 morto y por lo menos 4 herido

(Infobae) - Un camara di siguridad a graba e momentonan di terror cu piscadonan di Esmeraldas na frontera nort di Ecuador a biba, ora 30 homber fuertemente arma a yega na e waf tirando pa mata.

A concretisa e atake via tera y lama, segun por mira den imagnan, un grupo di delincuenteran a cuminsa tira, piscadonan a cuminsa core y algun di nan a bula den lama, mientras esey tabata sucede, un boto a yega cu otro delincuenteran. Ministerio di Interior a con-

firma cu e atake a laga 9 morto y por lo menos 4 persona herido, e general di Polis Fausto Buenaño a bisa cu e hecho a tuma lugá pa “hinca miedo den poblacion.” Un di e hipotesis cu autoridadnan ta mancha ta cu esaki ta trata di un bataya entre gruponan criminal cu ta opera den e zona cu ta militarisa como parti di estado di excepcion declara den e provincia aki.

Di acuerdo cu minister di Interior di Ecuador, Juan Zapata, e atake a produci pa motibo cu piscadonan “a preferi



siguridad di un di e gruponan organisa” y “pa represalia un grupo rival a cuminsa tira.” Segun Zapata, e atacantenan a yega na waf den dos boto y

un number no determina di autonan.

Zapata tambe a informa cu e agentenan a haya “mas di 200

señal di bala di 9 milimetro y 223 milimetro, esey kieren cu nan a utiliza armanan di candela corto y largo.” Ademas segun secretario di Estado, aunke na e lugá di e tragedia tabatin entre 1.500 y 2.000 persona, no tin mas herido debi cu e agentenan cu tabata realisa patryahe den sector a logra stop e atake.

Forsa Arma y Polis Nacional a realisa 60 inval den sector na unda, di acuerdo cu agentenan di inteligencia policial, tabata e Grupo di Delincuencia Organisa responsabel di e atake aki.

Haiti: Gangnan ta ekipa cu arma Mericano trafica pa Caribe

(DiarioLibre) - E leynan flexibel pa compra di arma na Merca a converti e pais den e fuente principal di su trafico ilegal pa Haiti, cu for di dos aña caba ta bibando un empeoramento di su crisis politico, social y economico, cu presencia di bandanan arma.

E indicacion aki ta den e rapport "Los mercados criminales en Haiti: mapeo de tendencia en armas de fuego y trafico de drogas", publica recientemente pa e Oficina di Droga y Crimen di Nacionnan Uni (UNODC).

"E fuente principal di armanan di candela y municion na Haiti ta na Merca y particularmente na Florida. E armanan popular cu ta wordo bendi pa 400-500 dollar na puntonan di benta di armanan di candela cu licencia federal of na ferianan priva di arma na Merca por wordo rebendi pa 10 mil dollar na Haiti," e documento ta establece.

Den e rapport ta sostene cu e armanan ta wordo adkiri cu frecuencia a traves di hombernan cu ta presta nan nomber na e estadonan di Merca cu leynan di arma mas



suave y menos restriccion di compra. Una bes nan cumpra e arma di candela y e municion, nan ta wordo transporta

pa Florida unda nan ta wordo scondi y manda pa Haiti.

Segun datonan di e Oficina

di Investigacion di Seguridad Nacional, un unidad di e Departamento di Seguridad Nacional (DHS), tin un aumento den e trafico di armanan di candela di Florida pa Haiti entre 2021 y 2022.

"Un vocero a describi e recuperacion di armanan cada biha mas sofisticada, incluyendo riflanan di sniper caliber .50, rifle .308 y incluso machine guns cu destino pa Haiti. Merca a relaciona e aumento di e ritmo di compra cu e actividadnan di bandanan criminal na Puerto Principe y alrededor."

Venezuela: Chavismo ta detene Alvarado Pulido, socio di Alex Saab



(ElNacional) - E portal informativo Alberto News a sigura diamars cu fuentenan policial a confirma e detencion di Alvaro Pulido, socio di e empresario Colombiano Alex Saab, señala como presunto espiá di Nicolas Maduro.

"Alvaro Pulido ta ser investiga pa e trama den PDVSA/Cripto y ta deteni na Venezuela," e fuentenan policial a indica na Alberto News.

Tur esaki memey di e ola di aresto di funcionario- y empresarionan pa hechonan di corrupcion den PDVSA, e Corporacion Venezolano di Guayana (CVG), e Superintendencia Nacional de Criptoactivos (Sunacrip) y e sistema di husticia.

Diadomingo, e portal di

investigacion armando.info a revela un serie di documentonan cu ta confirma cu tanto Saab como Pulido ta cay den e lista di persona cu a extrae petroleo di PDVSA y no a paga.

E trama di corrupcion den e estatal petrolero ta implica cu bao e excuse di e sancionnan, nan a bende cargamentonan di petroleo a traves di terceros sin cumpli cu e procedimetnonan cu ta corresponde, door di cual a entrega cargamentonan sin cu a ricibi pago pa esakinan. E bentanan a keda registra manera "cuentanan pa cobra" y ta supera e suma di 20 mil miyon di dollar.

Segun e informacion cu armando.info publica diadomingo, un rapport priva di dia 11 di october di 2022 crea

pa e coronel Antonio Perez Suarez (deteni) a señala cu PDVSA a traspasa na e Estado facturando sin cobra di e oficina di petroleo entre 2019 y 2022 pa por lo menos 13.338 miyon di dollar.

Perez Suarez tabata ocupa na e momento ey e cargo di vice presidente di Comercio y Suministro di PDVSA.

"E suma aki ta inclui un bon parti di e cuentanan cu falta pa cobra cu ya caba PDVSA tabata registra te cu augustus di 2022 den e rapport menciona, pero ta descubri otro debenan miyonario pa cargamentonan entrega na terceros riba instruccion di e Ehecutivo nacional durante e ultimo cuater añanan," e rapport di armando.info ta indica.

Venezuela: Tibisay Lucena, ex-presidente di CNE ta fayece



(ElNacional) - Tibisay Lucena, Minister di Educacion Universitario y ex-presidente di e Consejo Nacional Electoral (CNE) a fayece ayera diaranson, e vice presidente Delcy Rodriguez a informa.

"A cambia di pasiahe Tibisay Lucena. Yiu sobresaliente di Venezuela, ex-presidente di e Poder Electoral y Minister di Educacion Universitaria. E tabata un berdadero militante pa bida y a lucha su ultimo bataya sin interrupcion. Nos condolencia na su familiar- y amigonan. Bula halto mi ruman," Rodriguez a publica ariba su cuenta di Twitter.

Tabata conoci cu Lucena tabata lucha contra cancer, aunke nunca a comenta di manera oficial den e filanan di e chavismo, tampoco tabata conoci e avanse di e enfermedad ni con su ultimo momentonan na bida tabata.

E vice presidente, manera ya caba a pasa cu e morto di otro alto funcionarionan, no

a duna ningun detaye di e morto di Lucena.

"Tibisay Lucena tabata un muhe cu hopi caracter cu a keda leal na su principio- y idealnan, defendiendo semper e causanan husto di e pueblo. E Venezolanonan lo recorde semper pa su integridad y forsa moral," e presidente Nicolas Maduro a expresa.

Lucena tabata semper den e centro di criticanan di oposicion Venezolano y di e comunidad internacional democratico door di considera cu el a forma parti di e continuacion di e chavismo den poder door di realiza presunto fraudenan electoral mientras e tabata controla e Poder Electoral.

E informacion di su morto a genera reaccionnan mixto ariba rednan social. Hopi a acuse di a horta e Venezolanonan e speransa di un cambio politico y di a faborece e chavismo den e procesonan electoral.

Alto Vista Winery: un negoshi di famia, un bista pinturesco, y un biña delicioso



Recientemente, Bon Dia Aruba tabatin e placer di haci un bishita na e Alto Vista Winery, un experiencia inmersivo incluyendo un caminata den naturalesa, hopi informacion riba cultivo y trahamento di biña y rom, bistanan precioso y saboriando rom y biña.

Alto Vista Winery ta situa riba e cero cerca di e kapel di Alto Vista, for di cual el a tuma su nomber. E paisahe ta romantico, trankil y visualmente encantador, y e tamaño di e viña

ta casi difícil pa imagina por existi den loke nos ta conoce como Aruba. Aki ta traha biña for di druif te boter.

E tour ta cuminsa cu un caminata den naturalesa, unda por aprecia e tereno original riba cual a construi e winery, como tambe haya un bista di e bunita mondi. Teniendo esaki na cuenta, ta bon idea pa bisti sapato comodo y bin prepara pa cana door di piedra y rond di algun sumpiña.

Despues a pasa pa mira e viña cu mata na diferente etapa

di crecemento. E druifnan di mas chikito tabata minusculo, y e druifnan cora ainda no a logra yega na nan color final. Siguiendo e caminda door di e viña nos a yega na e plantacion di sucu pa destilacion di e rom Red Star. E Red Star ta referi na e strea cora di bandera di Aruba. Atardi, mientras solo tabata baha, e atmosfera trankil y e colornan caluroso den shelo a laga e plantacion muestra como un pintura.

Alto Vista Winery ta bin trahando biña desde 2019, pero apenas recientemente a cuminsa habri su porta pa bishitantenan por haci un tour. E winery ta propiedad di David Kock, y e ta un berdadero negoshi di famia. Durante e tour a conoce su yiu homber kende a guia nos door di e viña, unda ta cultiva cuatro variedad diferente di druif. El a splica e retonan di cultiva druif na Aruba y con a surpasa esakinan, y e tabatin hopi conocimiento: el a contesta facilmente tur pregunta di amateur y connoisseur. Despues di observa e distile-



ria, por a saboria un Strea, un cocktail delicioso traha cu rom pa refresca despues di e caminata.

Pa un momento e tour a keda interumpi pa un grupo di puppy chikito, gordito y dibertido cu a acerca e muchanan den e grupo. Cu alegria tur persona a bay caricia e puppies, y despues nos tour guide a dirigi e tour na e siguiente parti: wine tasting. Aki a saboria cuatro biña traha pa Alto Vista Winery: French Columbard, Chenin Blanc, Orange Columbard/Chenin, cada un compaña pa un keshi diferente. E Orange Columbard/Chenin tabata un sorpresa y e faborito, y e sommelier – ken su yiu homber a laga e grupo saboria e rom – a splica cu ta traha e biña aki di un manera special, usando e casca di e druif.

Ta bisa cu biña origina na Aruba tin un rastro di salo, manera algun biña di nos region, cargando e esencia di lama, algo cu ta haci e sabor unico.

Bon Dia Aruba a papia cu David Kock, doño Alto Vista Winery. El a conta cu e idea pa Alto Vista Winery en realidad a cuminsa cu e destileria. Sinembargo, pa e destileria tabatin mester di un permiso special, y e proceso pa esaki ta hopi largo. Mientras tabata warda pa e permiso, David a lesa den corant cu tabatin un proyecto na Corsou pa cultiva druif pa traha biña. “Pero e

motibo cu e tabata den noticia ta pasobra e tabata cerando, pasobra nan a haya problema cu aeropuerto, pasobra nan a trah’e net banda di aeropuerto.” Y aeropuerto na Corsou tabata preocupa cu e viña ta atrae entre otro parha cu por crea problema cu e avionnan. Asina e mester a shut down. David a acerca nan – y como cu e ta un abogado, nan a pensa cu e tabata interesa den tuma e caso. Pero na lugar di esey el a convence nan pa usa nan conocimiento pa bin yuda nan set up na Aruba – y esey tabata cinco aña pasa. Ta dura varios aña pa e mata di druif crece y duna e fruta adecuado.

Covid tambe a trece reto cune. David ta bisa cu tin mester pa hende bin di afo pa yuda pasobra ta falta conocimiento na Aruba. Hende ta bin sea di Hulanda, of estudiante ta bin for di Mendoza, Argentina pa haci un stage den e viña. Durante e pandemia, no tabatin vuelo pa trece hende, y asina David mester a encarga cu henter e produccion. “Henter e cos ta un aventura!”

Añanan a pasa, e druif a duna cosecha, e biña a fermenta y awo ta ora pa cuminsa mira e fruto di nan inversion, pues e winery ta habri pa bishita!

Pa experimenta e tour, of bes-tel un boter di rom of biña, por bishita nan website <https://www.altovistawinery.com/>.



Grupo Uni a celebra su di 45 año yen di bida!



Dia 22 di Maart 2023
Grupo Uni a cumpli su
di 45 año di existencia y a
celebr'e na grandi den Re-
naissance Ballroom.

Na 1976, Organizacion pa Stimula Centronan di Bario na Aruba (OSTICEBA) a wordo funda.

Na OSTICEBA tawata traha diferente trahadonan social cultural, manera Stanley Heinze, Amy Lasten, Maria Vrolijk, Kelvin Augustin, Lupita Gil, Stella Geerman, Glenda Gil y Lucia Kelly tawata director.

E trahadonan social cultural aki a traha den diferente bario na Aruba, hunto cu e habitantenan mes, na diferente proyectonan manera speelschooltjes, gruponan di hubentud pa mucha- y hobennan, gruponan di hende muhe, gruponan di adultonan mayor, den redaccion di un corant di bario, na construcccion di un centro di bario y mucho mas, dunando guia, sosten, conseho, buscando fondo, aporta na locual e bario, e grupo y e boluntario mester y trahando hunto na e desaroyo di e barionan di Aruba.

OSTICEBA tawata stimula Centronan di Bario na Aruba, stimula e trabou di bario a base di e proceso di emancipacion pa empoderamento. OSTICEBA a sali afo cu nos hendenan mes por hopi, y kico ta miho ta cu nan mes ta haci e trabou y sigui haci e trabou pa nan bario y nan hendenan. Ken conoce nan bario miho, cu no ta e habitantenan mes. E unico cos cu nan mester ta un compren-

sion, un sosten, un guia, un conseho, un man pa nan mes por sigui.

Kico kiermen EMANCIPACION?

Emancipacion ta bin di e palabra latino Emancipare. E yiu homber ta sali for di e man di su tata y ta bay para riba su propio pianan; e ta bira independiente, autonomo.

Esaki a sosode tambe cu Esclavonnan cu tawata propiedad di e doñonan, e shonnan. E esclavonnan no a acepta mas, a rebeldia y lucha pa nan libertad y autonomia. Na 1863, a proclama e Emancipacion di tur e esclavonnan.

Esaki ta sosodiendo tambe cu nos adultonan mayor, nos grandinan.

Compara cu nos wela, bisawela, welo, bisawelo, awendia nos adultonan mayor kier ta economicamente y socialmente independiente. Nan ta bay forma parti di diferente grupo manera entre otro Fundacion Movimiento ta Bida, Grupo Uni, Grupo Bini Bini, Café feliz. Nan ta bay nan casino, cana den grupo, ta biaha, bay come afo cu amigo- y amiganan y mucho mas. Nos adultonan mayor ta emancipando.

Y tambe nos conoce emancipacion di hende muhe. Mundialmente e lucha di hende muhe a cuminsa den añanan 60. Na Aruba el a cuminsa den añanan 70. A lanta diferente gruponan manera entre otro Steering Committee, gruponan di papia, Aloë, Anglo, Muhe Solidario (MuSo), Grupo di Servicio Hende Muhe SEPPA, Grupo di tra-

bou pa asuntonan di hende muhe Simar y Fundacion Mamona.

Na Aruba e gruponan a lucha hopi pa entre otro elimina e leynan discriminatorio. Algun di e leynan discriminatorio tawata:

1. Antes ora un hende muhe ta traha den gobierno y e casa, e tin cu kita di trabou.
2. Antes ora un hende muhe ta sali na estado, nan ta kit'e di trabou.
3. Antes den gobierno e hende homber casa ta gana mas cu e hende muhe, mientras nan dos ta haci e mesun trabou. Aki a lucha pa pago igual pa trabou igual.

Tur e leynan discriminatorio aki y mas a keda elimina danki na e lucha di e hendenan muhe. Nos conoce tambe emancipacion di Trahadonan, Pueblonan y di Paisnan colonisa entre otro Aruba.

Dia 22 di maart 1978 riba un diaranson mainta, e prome encuentro cu e amanan di cas di Noord a tuma luga den Centro di Bario Noord bou guia di Glenda Gil.

OSTICEBA kier a traha na emancipacion di hende, den e caso aki na emancipacion di hende muhe, e amanan di cas. Pa empodera nan.

Amanan di cas ta dedica hopi tempo na trabou di cas, yiu y nietonan y no ta traha tempo pa nan mes. Osticeba ta pensa cu amanan di cas tin derecho riba tempo liber pa nan mes, pa nan por sigui traha riba nan propio desaroyo, p'asina nan na nan turno por sigui guia y sostene nan famia cu mas animo. Amanan di cas

tin hopi talento, habilidadnan scondi y Aruba no ta haciendo uso debidamente di esaki.

A palabra cu cada dos siman ta bini hunto na Centro di Bario Noord di 9:00 di mainta te cu 12:00 di merdia. E grupo di amanan di cas a haya e nomber: GRUPO UNI.

Tin 6 señora cu desde inicio di e grupo ta den e grupo aki ainda. Nan ta: Emiliana Tromp, Titi Tromp, Juliana Gil, Chita Thode, Chita Faro y Cecilia Kelly. Pues e 6 señoreanan aki tambe ta cumpli 45 año hunto cu e grupo aki.

OSTICEBA a conseha e grupo pa no bira un fundacion of un asociacion, pero pa eligi cada año dos miembro di e grupo como coordinador pa 1 año y pa forma diferente comisionnan.

Asina tur miembro ta traha y tur miembro ta haya e oportunidad pa siña coordina, dirigi reunion, traha relato y e peso di e trabou ta keda comparti entre tur.

E diferente comisionnan, cada un, ta prepara un actividad durante e año, manera Carnaval, Dia di Hende Muhe, Dia di Himno y Bandera, Dia di Mama, Pasco grandi, bishita cierto luganan, bay den bus, anochi cultural pe bario, biahamento den exterior, celebracion di Año di existencia, Mercado di Purga y mucho mas.

Asina e grupo a traha tambe durante su 45 añanan di existencia cu ta bayendo hopi bon mes.

E prome coordinadornan tawata Meechi Tromp y Modesta Tromp (q.e.p.d.).

OSTICEBA a pone riba papel pa e grupo, kico ta e tareanan, trabounan di un coordinador, di tesorero y di un comision, y a siña nan con pa traha un programa anual a base di un inventarisacion di tur e idea- y deseonan di e miembronan mes di e grupo, con pa traha un relato anual, pa cobra un contribucion chikito y e grupo a eligi Emiliana Tromp como tesorero, kende a haci e trabou di tesoreria pa 39 año largo sin perde ni un depchi.

Grupo Uni a haci un impacto den e distrito di Noord cu nan teatro, baile, poesia, buki di remedianan di tera, un buki cu storianan di bida di diferente miembro, cu nan curashi, harimento, alegria, discusionnan y mucho mas.

E grupo aki a demostra un forsa, un union, un determinacion pa sigui hunto, a siña traha den un grupo, den un comision, pa duna nan opinion, siña coordina un actividad, siña para dilanti y hiba palabra, a cera amistad bunita y a realiza cu ta dushi pa forma parti di un grupo y pa topa otro cada 2 siman pa pasa bon y te ainda ta pasando hopi bon hunto.

Despues di 4 año, sosteniendo e grupo, OSTICEBA poco poco a laga e grupo los, pa motibo cu e grupo mes por a sigui independientemente. Nan a emancipa y te cu awe e grupo, Grupo Uni ta cumpli y ta celebra su di 45 año di existencia. Awor aki e grupo ta keda forma pa 30 hende muhe di Noord y nan tin un lista di espera.

Scirbi pa desoyador, Alberto Perret-Gentil

E Impacto di ‘Grens belasting’ riba industria di construcccion y prijs di cas na Aruba lo ta considerabel

E aumento di prijs di cas a bira un tema ultimamente hopi discuti na Aruba, particularmente entre stakeholders, como tambe entre personanan cu kier yega na nan propio cas.

Opinion popular ta culpa e industria di Vacation Rental como motibo principal di e aumento aki. Gobierno di Aruba, recientemente a dicidi pa introduci un impuesto na frontera di 7% (BB0, BAZV, BAVP), riba producto importa, incluyendo materialnan di construcccion, lo cual a lanta mas preocupacionnan tocante e impacto riba e industria di construcccion y prijs di cas.

E intencion di sostene provedornan local ta algo sumamente positivo. Pero, e efecto directo cu e impuesto na frontera aki ta trece cu n’e pa costonan di construcccion y consecuentemente prijs di cas, no por wordo ignora. E incapacidad di companianan di construcccion y desaroyadornan pa por compensa e BBO ora nan ta bende cas, ta loka cu a aumenta prijsnan di cas. E impacto di e ‘grens belasting’ riba e industria di construcccion por wordo cuantifica si bay tuma den con-

sideracion cu companianan di construcccion ta importa 80% di nan materialnan directo, di cual 60% ta costo di construcccion.

Esaki lo nifica, cu si gobi-erno impone un belasting di 7% riba materialnan importa, esaki lo causa un aumento directo di 5.6% den e costonan di e materialnan (cu ta 80% di 7%). Cu esaki, e costonan di construcccion lo aumenta cu 3.4%, cu ta 60% di 5.6%.

E impacto aki ta significativo, specialmente na momento cu tuma na consideracion e stagnacion di salarionan na Aruba den e ultimo decada. E impuesto halto di importacion, oligopolio entre suministradornan y subcontractors, productividad abou y burocracia, ta e causa real cu costonan di construcccion na Aruba ta mas cu 30% mas halto cu na Merca, por ehempel. E impacto di e ‘grens belasting’ lo solamente empeora e problema aki y haci’e mas dificil pa un parti grandi di nos poblacion por traha of cumpra nan propio cas.

Ademas, mester remarca cu e falta di casnan accesibel, den palabra popular ‘affordable’, durante e ultimo dos decada

ta preocupante. Iniciativanan manera ‘Casbon’ of ‘Caribbean Town’ ta hopi positivo, pero no ta cualifica como casnan accesibel (affordable), como cu ya e prijsnan ta na un nivel poco mas halto di cual no ta tur hende tin a capacidad financiero. Introduccion di un maneho amplio pa casnan accesibel cu ta inclui subsidio pa e comprado como tambe incentivanan fiscal, ta tardando.

Gobierno di Aruba tin di tuma accion pa trata e problema aki y brinda un solucion cu realmente ta haci cas mas accesibel pa tur hende.

Ta importante pa menciona cu na merca estudionan conduci pa ‘National Bureau of Economic Research’, ‘UCLA’, y ‘University of Southern California’ ta indica cu cada aumento di 10% di ‘listings’ riba ‘Airbnb’, nifica cu prijs di cas ta aumenta cu 0.76%. Aunke esaki lo ta diferente cu mercado di Aruba, e por duna si indicacion di e potencial impacto cu e industria di Vacation Rental tin riba prijsnan di cas. E problema di accesibilidad di casnan na Aruba pa un prijs pagabel, ta un problema pa varios aña caba.



Na 1995 a introduci un ‘Plan di Vivienda’ caba, pero a bira tempo pa Gobierno revisa e plan na e situacion actual. E solucion mas simpel lo ta pa desaroyadornan compensa e BBO cu impuesto di transferencia na momento di benta. Esaki no solamente ta beneficia y stimula e industria di

construcccion, pero tambe ta yuda controla e crecimiento di prijs di cas cu ta causa pa alocacion di Vacation Rental.

Ta tempo pa tuma accion y implementa e solucion aki pa sigura un futuro sostenibel pa nos mercado di cas.

Comentario skirbi pa Robert Arends

Onderlinge Regeling

Den e ya famoso “onderlinge regeling” considera pa algun como un triunfo político grandi logra pa Min.Pres. , tin palabranan grandi y bunita na Hulandes cu mester splica pueblo di Aruba na Papiamentu kico nan kiermen y kico nan ta encera pa Aruba.

E “preamble” (palabranan di introduccion) di e “onderlinge regeling” ta menciona e palabranan na Hulandes : “eigenaarschap , gelijkwaardigheid en gemeenschappelijkheid” , ora ta referi na e contenido di e “onderlinge regeling”.

Kico e tres palabranan aki na Hulandes kiermen na Papiamentu y kico nan ta encera pa Aruba.

Expertonan huridico den e idioma Hulandes , mester por conclui y splica por lo



menos cu ehemplo nan practico kico Hulanda y Aruba mester acepta di otro den e palabranan ey.

Un “ongeschoold” den terminología huridico politico ta pensa cu : “eigenaarschap” tin algo di haci cu “poder di

doño” , awor ken ta doño na Aruba : Hulanda o Aruba ? ;

“gelijkwaardigheid” lo indica

algo den sentido di “igualdad” , pero ta referi na ken , e pueblo di Aruba o e pueblo di Hulanda ? ;

y “gemeenschappelijkheid” ta algo parecido na “bon comun” di ken ? Di Aruba o di Hulanda ?

E idea tras di e tres palabranan aki - segun mi - ta pa ora cu ta cumbini Hulanda , Hulanda lo interpreta e palabranan (den su idioma) na su manera y Aruba mester acepta pasobra ta asina Hulanda a intencion e palabranan pa nan ta multi interpretabel !

Un splicacion cla y comprendibel na Papiamentu ta necesario pa pueblo por husga e accionnan real den cuadro di e “onderlinge regeling”.

Pa pensa ariba sin miedo!

Chauffeur a perde control, subi e median y dal palo di luz na Ser'i Teishi



Diamars mainta polis a presenta na Ser'i Teishi. Aki tabata trata di un accidente unda e chauffeur a perde control, subi e median y a dal palo di luz.

Ningun persona a keda herida.

Accidente na rotonde



Diaranson mainta polis a presenta na rotonde Macuarima pa un accident. Aki tabata trata di un accidente entre un Hyundai SUV shinishi y un Chev-

rolet Celta blauw.

Ambulans a presenta y a hiba e dama chauffeur di e Celta cu a keda herida pa hospital.

Nissan Cube a pega candela den Macapruimstraat



Diamars atardi brandweer a presenta na Macapruimstraat pa un auto na candela. Aki tabata trata di un Nissan Cube

cu lo a pega candela. Brandweer a combati e candela pero den e auto a kima completamente.

COOK

If you are interested
please apply :
hr@doit.aw

SUPER Do it Center

RoboDog; Cacho robotico ta uni cuerpo policial di New York

(AP) – Oficialnan di New York City a revela 3 dispositivo nobo di tecnologia avansa diamars, incluyendo un cacho robotico cu a ser yama straño ora cu el a uni e forza policial 2 aña atras.

E dispositivonan nobo, cual tambe a inclui un GPS tracker pa vehiculonan horta y un robot di seguridad, lo ser lanza den un manera cu ta “transparent, consistente y semper haci den colaboracion cercano cu e personanan ken nos ta sirbi,” Comisario Keechant Sewell, ken a uni alcalde Eric Adams y otro oficialnan na Times Square pa revela e robot di seguridad y e cacho mecanico yama Digidog.

“Digidog ta awo ta forma parti di e hermentnan cu nos tin den uso,” Adams, un demócrata y ex polis a comenta. E ciudad su prome cacho robotico y miembro di polis a ser lansa den 2020 pa ex alcalde Bill de Blasio, sinembargo e ciudad su contract pa cu e dispositivo a keda cancela despues cu criticonan a describi esaki como raro. Adams a bisa cu e no lo cambia su opinion pa causa di presion anti-robot. “Algun persona a opone na esaki y nos a tuma algun paso atras,” e alcalde a expresa. “Esaki no ta con mi ta opera. Mi ta opera riba loke ta miho pa e



ciudad.”


Adams a bisa cu Digidog lo ser usa den situacionnan riesgoso manera ora cu tin rehen cuminsando for di e zomer binidero. “Si bo tin un sospechoso den baricada, y bo tin persona dentro di un edificio cu ta arma, na luga di manda polis aden, bo por manda Digidog,” el a splice. “Esakinan ta maneranan inteligente di usa bon tecnologia.”

E sistema di tracking yama StarChase ta permit polis lansa un GPS cu lo pega su mes na un vehiculo horta pa asina oficialnan por rastrea e vehiculo su localidad. New York Police Department su programa piloto pa usa e sistema lo dura 90 dia, oficialnan a comenta.

Autonomous Security Robot lo ser lansa dentro di e stacion

di trein di Times Square den un programa di 7 luna cu lo cuminsa e zomer aki tambe, cuerpo policial a bisa. Un partner humano lo uni e dispositivonan usa den centronan di compra y otro localidnan pa varios aña.

Personanan cu ta boga pa reforma policial y libertarionan civil ta cuestiona e necesidad di e dispositivonan aki. “Esaki ta un ehempel recien di con e alcalde Adams ta permiti gasto sin mitigacion di NYPD su presupuesto demasiado grandi,” Ileana Mendez-Penate, director di programa di Communities United For Police Reform a declara. “NYPD ta cumprando tecnologia luhoso y cachonan robotico mientras cu e pueblo di New York no tin acceso na cuminda pa motibo cu agencianan di e ciudad tin escasez di empleado y e otro



parti di pueblo ta kedando sin cas.”

Albert Fox Cahn, director ehecutivo di e proyecto Surveillance Technology Over-

sight a bisa cu “NYPD ta creando mal ciencia ficcion den polis teribel. New York merece seguridad real, no un forma barata di RoboCop.”

Advertorial

SETAR su Contact Center ta introduci Interactive Voice Response (IVR)

Desde dialuna 3 di april 2023, e Contact Center a bay live cu Interactive Voice Response (IVR). Esaki ta haci e proceso di yama pa recarga carchi prepaid of compra di bundle un proceso automatiza, unda cu e IVR ta guia e clientenan den nan idioma con pa recarga nan carchi prepaid of con pa compra un bundel. Esaki ta haci posibel cu nos agents nan tin mas tempo pa dedica na clientenan cu tin preguntanan mas complica of cu mester un ayuda mas extenso.

Awo na momento cu un cliente yama 139 for di un number prepaid, e no ta bay haya un live agent mas na liña sino e lo bay automaticamente pa e menu di IVR. Akinan

e cliente lo mester scoge su idioma di preferencia (Papiamentu, Hulandes, Ingles y Spaño) y despues di esey e cliente ta selecta e motibo di su yamada, esta: 1. Pa check saldo di cuenta; 2. Pa recarga y/of compra data bundle; y 3. Pa cualkier asistencia cu servicio di celular.

Na momento cu e cliente scoge opcion 1 of 2, e lo haci uzo di e IVR inmediatamente, sin mester warda p.e. den caso cu un agent ta bezig cu otro cliente. Si e cliente scoge pa opcion 3, e ora e lo wordo pasa pa un live agent pa wordo asisti cu otro preguntanan cu no ta e prome dos opcionnan. Asina aki por medio di e IVR, e clientenan cu ta yama 139 ta wordo yuda di forma mas rapido, cual sigur ta un bentaha.



Kids Athletics Kleuter organisa pa IBISA

Siman pasa, Minister Endy Croes a presencia Kids Athletics Kleuter organisa pa IBISA. E competencia escolar a tuma luga na Centro Deportivo Frans Figaroa na Noord. Un total di diesseis ekipo a participa, cada ekipo a consisti di 8 mucha di (12) diesdos scol preparatorio.

E ekiponan a wordo forma pa (4) cuater mucha muhe y (4) cuater mucha homber entre 4 pa 6 año. Den dos ora e muchanan a haci diferente disciplina cu ta diseña pa nan. E proyecto aki ta siña e muchanan e.o. movilidad y coordinacion etc.

Resultado di e Kids Athletics Kleuter na prome luga Arco Iris Kleuterschool 1, sigui pa Imelda Kleuterschool y por ultimo Arco Iris Kleuterschool 2. Minister Endy Croes ta gradici IBISA pa trek e bunita proyecto aki. Palabranan di pabien na e muchanan cu a haci e Kids Athletics Kleuter uno sumamente exitoso. Masha pabien na e ganadonan.



Atletanan di landamento a conquista 16 medaya den Carifta Aquatic Championship 2023 *A gana 2 oro, 11 plata y 3 brons*



Diamars merdia, Minister Endy Croes tabata presente na aeropuerto Reina Beatrix pa ricibi nos ekipo di landamento y “open water” cu a regresa Aruba cu 16 medaya for di e Carifta Aquatic Championship 2023. E campeonato a tuma luga di 7 pa 10 di april na Corsou.

Alrededor di 24 pais a participa y Aruba a conquista di (7) shete luga “overall” di e torneo. Minister Endy Croes ta felicita e atletanan cu nan excelente prestacion y logro. Palabra di gradicimento y pabien na mayor- y coachnan como tambe na Aruba Aquatics Federation pa sostene y apoya nos hobenan den competencia importante aki. Masha pabien boso deseo cu disciplina, dedicacion y determinacion boso a logra! Aruba ta orguyoso di boso!

Carifta Swim Kickoff

Dia 30 di maart ultimo, na Piscina Olimpico Roly Bisslik na Savaneta, a tuma luga e CARIFTA Swim Kick Off. Minister Endy Croes tabata presente pa duna sosten y apoyo na nos atletanan. Alabes Mandatario di Deporte a presencia e bunita show cu nos atletanan a prepara pa competi den e Carifta Aquatic Championship 2023.

Sigur e atletanan a deleita publico presente cu nan bunita show.

Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

BISTA POLITICO

Parlamentario Marco Berlis (MEP):

Corupcion y gañamento comun ta causanan principal di desconfianza y kiebro den AVP

Despues cu lider di AVP Mike Eman a duna di conoce den un entrevista exclusivo cu 24ora.com cu AVP ta trankilo y cu nan ta lidiando cu e problema internamente, diamars mainta nos por wak cu tur esaki atrobe ta un mentira comun.

Diamars, despues di e weekend santo, parlamentario Rygond Santos Do Nascimento a sali ta tira basta misil fuerte den direccion di Mike Eman como lider y e hala bieu di AVP. AVP cu su mensahe "E Bon Comun" a keda na "Berguensa extraordinario," pasobra e berdad comun di AVP a sali for di boca di un miembro prominente di nan seno. Sr. Rygond Santos do Nascimento a laga e



hala bieu sunu sunu den dia cla pa pueblo por a mira tur e berguensa y berdad cu ta reina den e partido di AVP. Mientras Enfoke desesperadamente tabata mas bien tratando na crea distraccion cu otro noticia slap, pa nan no mester toca e tema di Rygond

y AVP, a dicidi pa laga e noticia aki te na e ultimo 10 minutnan. Enbes cu 24ora.com a fortifica un politico hoben den su mision pa trece reformacion, nan a bise pa sali for di partido y tilde cu e tabata sa di e cultura corrupto di AVP prome cu a subi lista.

AVP den crisis y kiebro grandi

E crisis aki a wordo ocasiona pa e corupcion, gañamento, fraude, ceramento di ex-minister di AVP na KIA, tapamento di informacion pa coleganan, desconfianza, otro ex-minister sospechoso principal den caso Avestruz y mucho mas. Rygond den su articulo ta bisa; "Echonan di miembronan prominente di partido ta pone cu awe un nubia scur ta tapa tur e gran logronan di AVP. E echonan ey a causa cu awe credibilidad di e partido ta na suela. Tur dia ta confronta candidatonan di AVP cu e acusacion cu e partido ta corrupto." Esaki no ta un politico di coalicion a bisa, esaki ta miembro prominente di e partido AVP mes ta bisa!

Esaki ta algo cu pueblo mes por a constata den e gobernacion di mas entreguista y corrupto di nos historia como pais.

Un megadebe cu a redobla nos debe nacional te cu 82.6% manera Algemene Rekenkamer a indica, corupcion di dos ex-minister di AVP, cual un ta cera caba. Rygond ta añadi: "Si e partido (AVP) no demostra seriedad pa cu integridad, tur grito cu AVP mester salba Aruba no ta mas cu un pretexto pa no mira su mes den spiel." Mas claro no canta un gallo! AVP den man di Mike Eman lo keda corrupto, yen di decepcion y mentira!

Articulo ta continua riba pagina 19.

Secretario General di MEP: Un AVP sin liderazgo

E siman aki sentencia lo cay den e caso Avestruz, e caso historico di corupcion di Benny Sevinger



Secretario General di MEP ta splica cu pueblo mester keda alerta e siman aki. Dia 14 di april binidero tin riba "rol" e veredicto di e caso di corupcion di mas grandi den historia di Aruba. Esta e caso Avestruz, unda e acusado principal ta Benny Sevinger, ex-Minister di AVP, e miho amigo di Mike Eman.

Un caso grandi di corupcion cual poco poco ta yegando su final. Politiconan no por haci y deshaci y kere cu nan ta "walk away". Cu esaki Benny no por scapa como su caso ta

mucho mas grandi y mucho mas feroz cu esun di ex Minister Paul Croes.

Un tiki di e caso Avestruz y e rol di Benny Sevinger: Benny Sevinger ex Minister di AVP a wordo acusa di 5 acusacion grave pa Ministerio Publico y a wordo hiba dilanti mesa berde "strafrechterlijk" pa lo siguiente 1. Valsheid in geschrifte (Falsificacion), 2. Oplichting (Estafa), 3. Misbruik van Functie (Mal uso di poder), 4. Het aannemen van steekpenningen(aldan niet handelen instrijd met zijn plicht) acepta Soborno, 5. Opzettelijk gewoonte wit-

wassen (Deliberadamente y a proposito laba placa).

Den luna di october y november di aña pasa fiscalnan a repasa e desaster cu e criminalnan di AVP a comete. Entre otro un hotel a paga fiesta pa un yiu na balor di 8 mil US Dollar a cambio di fabor. Susebeek e "best friend" di Benny y alabes padraastro di Gerlien Croes tin un cuenta na Orca Bank na Corsou cu 2.4 miyon florin cash di negoshinan haci cu tereno di pueblo. Leoncita culpabel di a ricibi 800 mil florin cash di negoshinan cu tereno di pueblo. Gaby Werleman ex-candidato di AVP y consehoro di Benny a bende un solo tereno pa 7 miyon florin. Tur e pruebanan aki a wordo treci den corte. Asina tin centenares di prueba con Benny tabata brinda cooperacion y ricibi recompensa a cambio. Envelop cu 200 mil florin cash a wordo hiba di cas di Leoncita pa Benny. Por a proba cu Susebeek a paga 100 mil florin pa renoba, traha cura di cas, regala hardin y gym

pa Benny su cas. Tur e pruebanan aki a wordo hiba dilanti mesa berde. Pues Benny Sevinger ta un berguensa pa politica den su totalidad na Aruba y mas berguensa ta e lider di papel Mike Eman ainda ta mantene Benny den Parlamento. Hasta Mike Eman publicamente a pidi pueblo vota pa Benny siendo Benny tabata den KIA. Pues diabierna awor ta keda un dia cu lo bay den historia pa asina manda e señal pa por caba cu corupcion den politica di pais Aruba.

Benny Sevinger a grita 18 di januari 2018 den Parlamento I don't give a damn! Despues cu pueblo a core cu AVP malamente for di gobernacion na september 2017 algun ex-minister di AVP a ricibi e oportunidad pa drenata Parlamento. Mike Eman tabata unico cu a bira lomba pa tur su votadonan lagando nan na caya y a scoge pa retira y laga otro politico hala garoshi p'e. Durante un reunion publico (cual ta graba den sistema na Parlamento)

dia 18 di januari 2018, Benny Sevinger tabatin e curashi di grita e palabranan "I don't give a damn!" Despues, cu Parlamentarionan nobo di e gobernacion nobo na e momento ey publicamente a splica pueblo e desaster cu nan a encontra y a repasa algun documento di corupcion den dunamento di terenonan comercial na amigonan di Benny.

Tur esaki tabata prome cu e investigacion di Ministerio Publico a inicia. Benny na su turno sintiendo su mes ainda "UNTOUCHABLE" na e momentonan ey, a hiba palabra y a keda play "wrong and strong" gritando I don't give a damn!. Hopi tristo mes e reaccion di Benny na henter pueblo di Aruba. E dia a yega y awe casi 5 aña despues e diabierna di Benny di AVP tambe a yega. Ban mira si despues di e sentencia di Hues, si Benny lo grita mescos faltando tur clase di respet na pueblo. Nunca pero nunca mas AVP por haya un voto di confiansa di pueblo!

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Secretario General di MEP: Aquannette no ta di confia!

Parlamentario Gunn a brasa corrupcion y a sinta den scochi di Benny Avestruz

Secretario General di MEP, a tuma nota con ultimo lunanan MAS y MAS Parlamentario di partido MAS, Sra. Gunn tin e corrupcion di AVP duro brasa.

Benny Sevinger ex Minister di AVP tin un sentencia pendiente diabierna awo, 14 di april. E sentencia aki ta den cuadro di e caso Avestruz unda Benny Sevinger a comete corrupcion di marca mayor malusando su poder como ex minister di AVP pa bende masha hopi tereno y asina hunto cu amigonan di cerca a bira miyonario. Mes- ter recorda pueblo cu Benny su amigonan manera Leon- cita di Canal 90 (haci mi miyonario), Suse- beek (padraastro di Gerlien Croes), Gaby Werleman ex-candidato di AVP y consehero di Benny pa nombra algun tur ta meti den e caso di mas grandi den historia di corrupcion di pais Aruba. Pesey siman aki, ta un siman determinante pa tanto Benny Sevinger, Mike Eman y AVP.

Locual ta hopi straño ta

e silencio di Sra. Aquan- nette Gunn riba e caso aki:

Sra. Aquannette Gunn, un politico di panlefi kende te awe no a cuestiona ni caso IBIS, ni caso Avestruz y no kier duna ni sikiera un opin- ion riba casonan di corrup- cion di AVP. Prome Minister di Aruba a reta Sra. Gunn varios biaha publicamente durante reunion publico momento a trata presupuesto di pais Aruba. A menciona su nomber y a rete pa E pidi “persoonlijk feit” pa e por vo- cifer su opinion pa pueblo sa ki banda e ta para. Lamen- tablemente, Sra. Aquannette Gunn a scoge pa keda keto, pasa pa chambon, kita cara baha cabes y no haci uzo di su derecho pa duna un opin- ion. Minister di Enseñansa y Deporte riba e mesun dia a haci igual. Durante reunion publico na 4 ocasion a men- ciona Aquannette Gunn su nomber retando Sra. Gunn pa e por duna un opinion riba e corrupcion Avestruz y IBIS esta di Benny y Paul ambos ex minister nan di AVP Igual- mente Sra. Aquannette Gunn a baha cabes y no kier papia nada di Benny y Paul. Aki por

a constata cu Sra. Aquannette Gunn ta brasa corrupcion y ta prefera di brasa Benny y sinta den su scochi en bes di para pa pais Aruba. Wel diabierna awo, lo tin veredicto y Sra. Aquannette Gunn por conta cu publicamente nos lo bolbe rete riba e asunto aki. Ber- guensa di mundo momento un representante di pueblo ta brasa corrupcion solamente pa sostiene oposicion pa trata na muestra un “block” di 10. Esaki ta un politica barata cu Aruba no mester. Politiconan asina ta politico di panlefi y Aquannette ta uno di nan.

Sra. Aquannette Gunn no ta hende di palabra y no ta di confia:

Manera a compronde cu na scol nan tabata hopi contento ora el a scoge un otro carera pa subi lista politico. E rason aki nos no na haya sa pakico scol tabata asina contento cu Sra. Gunn a bay, pero nos lo averigua. Locual si ta fid- edigno ta cu Aquannette no ta hende di palabra y no ta di confia. Den partido MAS tur e candidatonan a firma un acuerdo cu nan lider a defini cu esun cu saca mas voto lo



drenta Parlamento. Despues di eleccion pueblo a tuma nota con haragan Gunn ta. Solangel candidato number 4 riba lista di MAS a saca 189 voto y ta e di dos “vote get- ter” di dicho partido. Pues, segun e documento cu Gunn mes a firma ta Solangel mes- ter a dreña Parlamento. Sra. Aquannette Gunn a saca ap- enas 77 voto como number

2. Esta 4114 menos voto cu e candidato prome cune riba lista. Asina mes Sra. Gunn a pleita formalmente pa kibra e documento cu e mes a firma pa no reconoce y kier uza e derecho pa e mes dreña Par- lamento. Pues, esaki ta papia hopi caba di caracter di un persona. Banda cu Sra. Gunn tin corrupcion duro brasa, Sra Gunn no ta di confia at all.

Continuacion di Pagina 18

Rycond: Mike Eman ta un lider debil cu a crea un cultura di co- bardia

Nos por a lesa palabranan fuerte, pensa profundamente pa parlamen- tario Rycond prome cu el a skirbi es- akinan. E ta obvio cu e no por mas cu e cultura di e partido AVP: “E silen- cio di partido tin un mensahe fuerte: nos no ta critica miembronan promi- nente y nos no ta critica partido. Esey ta demostra falta di compromiso cu e berdad. E silencio ta expresa un cultura di cobardia y ta revela un dis- ponibilidad pa gaña pueblo.”

E cultura di AVP ta uno di cobardia y falta di compromiso cu e berdad!” Palabranan di e number 5 di par- tido AVP! Hopi biaha mi a expone e gañamento sistematico aki di AVP, cual ni nan siguidonan y votadornan kier kere, sinembargo awe nos por a constata e berdad aki expresa pa nan mesun parlamentario. E manera con nan operacion y strategianan ta fun- ciona ta riba mentira y decepcion!

Rycond: AVP no tin compromiso pa protege integridad

Den e articulo Rycond ta uza un lenguahe fuerte y cu ta expone e fundeshi y operacion di e actual partido di AVP; Partido AVP no tin compromiso pa reforsa y lucha pe in- tegridad di nos institucionnan! Ade- mas Rycond ta cuestiona pakico ora ambos Paul Croes y Benny Sevinger a bira sospechoso no a pidi nan retira te ora resolve e problemanan hudi- cial.

Esaki simplemente no ta un prio- ridad pa AVP y Rycond ta enfatisa y confirma loke MEP a bin ta bisa pa basta tempo caba; AVP ta un universidad di corrupcion! AVP su dokter den ley ta finalisa y conclui loke a haci AVP perde mas di 15mil voto den ultimo dos eleccion: “Sin compromiso cu integridad, simple- mente AVP no merece e confiansa di pueblo pa goberna. Sin compromiso cu integridad, e slogan cu partido mester “salba Aruba” no ta mas cu oportunismo.”



Ultimo dianan pa inscribi pa e fabuloso workshop di 3D Escultura na Ateliers '89 Punto Di Beyas Arte Aruba

Cuminsando dialuna 17 di april 6.30pm cerca e gran arista Hulandes Maze Boer. Si mihor cos bo por haci! Ta, manda un e-mail na elvis@ateliers89.org. Y asina inscribi bo mes, pa bo no perde e oportunidad aki! O djies yama na 5654613!

Pa kiko:

Pa bo siña traha den estilo contemporaneo. Creando asina bo mes un obranan den 3d Escultura.

Pa bo mes crese y desaroya den bo inspiracion experimentando hunto pa bo mes un obranan nobo den un excelente team.

Pa bo compronde y prepara bo mes pa presenta bo mihor obranan mas miho cu ta posibel den e exposicion na final di e workshop. Pa bo pasa WAW y muestra tur bo amigonan bo obranan nobo cu bo a traha durante e workshop aki.

Bini y traha cu Maze e maestro y un di e gran artistanan di Hulanda cu obranan excelente.

Mira aki con mi a gusta y pakiko e trabounan di Maze. Nan ta hopi bes directo "in your face", y ta pone bo pensa di biaha pakiko y punta bo mes kiko nan ta. Manera e cas di mata aki, incredible mente bon pensa mes.



Resultado Sorteo
april 11, 2023



Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
8175	9777	3219	6483
7505	2301	SUPER5	8906
3622	4569	-	0409

MERDIA

CATACHI
Sorteo # 3881
1443
2735
5623
MULTI-X
FP
BIG 4
Sorteo # 3881
1435
1OFF
Sorteo # 1937
3986
ZODIAC
Sorteo # 3881
5634
Tauro
LUCKY 3
Sorteo # 755
744
MULTI-X
FP

ANOCHI

CATACHI
Sorteo # 7914
5173
1781
6650
MULTI-X
X2
BIG 4
Sorteo # 6958
0672
1OFF
Sorteo # 1663
9668
ZODIAC
Sorteo # 5717
4003
Geminis
LUCKY 3
Sorteo # 647
229
MULTI-X
X3

LOTTO 5	12-16-21-27-32
Sorteo # 2379	Joker 14 Letter L
0x Jackpot	Proximo Jackpot
0x Match 4+	
19x match 4	1.000.000,-
590x Afl. 12,00	
LOTTO DIA	03-08-11-17-21
Sorteo # 6087	Proximo Jackpot
0x Jackpot	
12x Match 4	76.000,-
250x Afl. 8,00	
MEGA	
Sorteo #	Mega Ball:
0x Jackpot	Proximo Jackpot
0x match 4	
0x Afl. 500,00	290.000,-
0x Afl. 50,00	
0x Afl. 15,00	
MEGA	Afl. 390.000,-
KORSOU	
Sorteo #	



Posibilidad pa haci un afspraak digital pa e Censo Economico 2023

En conexion cu e censo economico "Economic Census 2023" cu lo tuma lugar for di 14 di April te cu fin di Juni, Oficina Central di Estadistica (CBS) ta lanza e formulario di afspraak pa negoshinan.

Riba e website di CBS www.cbs.aw lo tin un formulario digital disponibel unda cu negoshinan por scoge e dia y orario cu kier wordo encuesta. CBS lo zorg pa manda un encuestador na e fecha y orario stipula pa haci e encuesta.

Pa hasi un afspraak mes-ter djis subi riba e website di CBS, click riba e boton pa haci afspraak y yena e

siguiente informacion:
Number di e compania
Adres
Telefon
E-mail
Persona di contacto di e compania
Dia cu kier wordo bishita
Ora cu kier wordo bishita
Nomber di e persona cual e encuestador lo tin un afspraak cune pa por hasi e entrevista

Pa tur otro informacion di e Censo Economico por tuma contacto cu CBS durante oranan di trabao na 524-7433 y puntra pa e team di Economic Census 2023.

Nos ta agradeci ya caba na tur instancia pa nan cooperacion.

Santo Rosario y Oracion na monumento di "Inmaculada Curason di Maria na Sta.Cruz"

Grupo di Oracion "Inmaculada Curason di Maria" ta recorda tur debotonan di Mama Maria cu DIAHUEBS 13 di APRIL 23, tur deboto y fielnan ta reunie pa 6 or di atardi na e Monumento di Inmaculada Curason di Maria na Sta. Cruz.

Ta resa rosario prome cu Santa Eucaristia. Diahuebs ta resa Santa Rosario Luminoso. Laga nos prepara nos mes espiritualmente pa e fiesta grandi di Hesus Misericordioso dia 16 di april.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

TA BENDE

Un edificio commercial / y por wordu usa pa cas cu grandura di 62 m2, riba terreno eigendom na Moko.
 Prijs Afl. 235.000,=
 Pa mas informashon por jama
Tel: 582-8080

216507

TA BENDE

Hooi a yega (yerba pa bestia)
 Matividiri 60
 594 1317
 Afl.55 pa 74 LB
 Tel. 594 1317

SERVICIO PUBLICO

Construction
 remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

TA BENDE

BBQ Grill tipo cilinder
 "criyoyo" duradero
 Prijs Afl.250
Tel. 569 7787

SERVICIO PUBLICO

Sushi den cura pa solamente 50,- pa buelta, nos ta lante lague limpi mane un soño.
 Arubiano trahado
Call 592 5766

Sushi den cura?

Ta piki sushi cu pick-up grandi pa Afl 75,= pa buelta.
 Yama nos na
561 4297 of 561 5179
 Hasi Aruba Limpi.

SERVICIO PUBLICO

Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
Tel. 593 9464

TA BENDE

Caha di Orgel.
 Tin 3 cylinder NOBO.
 Pa mas informacion yama
Tel. 593 0203

SERVICIO PUBLICO

Pa tur trabou di tapiceria di mueble, auto, yate y barco.
 Nos ta haci trabou di cabana y bambu y nos ta verf
Tel : 569 7539 /737 3993

AUTO Y HERO BIEU

Nos ta piki auto, aircu y bateria bieu pornada. Frigidaire, stoof, wasmachin, tv ta 10,=.
Yama 561 4597 / 561 5179
 Arubiano Balente

TA BENDE

Combo di regalo pa tur ocasion: Mugs, kerki di biña, tablashi cu leyenda
 Pa mas informacion
Cell whatsaap 567 2907

TA HUUR

Se alquila habitacion con todo incluido
 Brikstraat na Playa
Tel.564 1979

SERVICIO PUBLICO

Sra. ta haci cas y negoshi limpi tambe por cuida baby y hende grandi part time y full time
Tel. 740 7573

TIN MESTER

Auto Finishing Tec NV
 tin mester
 pintor, latonero y preparator
 Pa mas informacion por yama
 594 2957

216515

SERVICIO

Unified One Events
 Photos , films, wedding
Tel. 749 2533

SERVICIO PUBLICO

Ta traha y renoba Cas ta traha y drecha dak, ta basha vloer, pleister, verf cas, traha cura, pega mosaico y azulejo-
Tel.563 4168

SERVICIO PUBLICO

Nos ta haci trabou di plomeria, electricidad, hardineria incluye hiba sushi Handy man.
Tel.742 6250

SERVICIO PUBLICO

Mi ta chapi, lanta sushi, corta mata, transporta frigidaire, was-machine biew, drecha cas, etc.
Tel. 564 1979

SERVICIO PUBLICO

Pa haci trabow di verf y chapi, tur mantencion di pafor di cas Yama y puntra pa Benito na
Tel.630 5185

TA BUSCA

trabou pa haci cas limpi, negoshi of oficina
Tel.561 3910

SERVICIO PUBLICO

Handyman
 Pa trabouw di verfmento plumbing tuberia, chapi, limpieza di cura, drecha mata
Tel : 567 1108

TA BENDE

1 set di aparato pa pone taira patras auto chowe auto grandi
 2 biem pa pone patras di pick up pa lastra trailer.
 Bon prijs
Tel. 594 8842

TA HUUR

Un edificio / local commercial cu grandura di 62 m2, tin baño y cura; situa na Moko cu parking lot. Prijs pa luna Afl. 1.500,=
 Pa mas informashon por jama
Tel: 582-8080

216507

SERVICIO PUBLICO

Pa trabou di data-entry of update di bo administracion pls contact:
Tel.5682339

SERVICIO PUBLICO

Mi ta ofrece servicio di electricista en general corto circuito y mantencion
Tel.566 5026

TA HUUR

Un camber cu tur cos inclui na Brikstraat 1
Tel.564 1979

SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales Sabana Basora # 157 P.Ch.
Tel. 561 8520

SERVICIO PUBLICO

Mi ta ofrece pa cuido di mucha di dialuna pa diabierna y weekend. Pa informacion
Tel. 558 7310

SERVICIO PUBLICO

Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs
Tel. 738 1908

SERVICIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na
563 4828 / 5679610

SERVICIO PUBLICO

Hacemos todo tipo de construccion, reparacion de casas, pintura, acabados finos, jardines, patios, techos a buenos precios
Tel. 569 7539 / 746 0518



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

Fundacion Contra Violencia Relacional
 Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19 Aruba
 297-588-6138
Koningin Wilhelmina Fonds
 Spinozastraat 9 Aruba
 297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17 B Aruba
 297-588-9591
 www.famiaplanea.org
 famiaplanea@hotmail.com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord (close to the hotels)
 Tel: 736-2952 or 593-7081



Dokter na warda

Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda

Oranjestad: San Nicolas:
 Paradera San Lucas
 Tel. 588 6638 Tel. 584 5119

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
 Tel: 280-2828
 Whatsapp: 592-7024

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”. Salmo 23

Cu inmenso dolor na nos curason pero nos ta
anuncia fayecimento di:



Marie O. Martin
*15-07-1937 - †01-04-2023

Na number di su:

Mama: † Melani Guilliere

Tata: † Ozalva Martin

Yiunan:

Marie Vernois y Stephen Bolah

†Ginette Rejouis

Marie Jourdan

Djonny y Marie Daniel Val

Renel Antoine

†Evna Antoine

Ilna Moise

Nieto(a)nan: Junior Rejouis (Tiben), Dorothy Rodgers, Osilieta Rodgers, Gabriel Rodgers, Vanessa Rodgers, Cynthia Rejouis, Ruth Val, James Val, Daniela Val, Weslyn Jourdan (USA), Abigail Jourdan (USA), Christa Antoine, Asmaila Antoine, Wechi Antoine, Stanley Val, Gabriel Desir (Chile), Bernadette Desir (Haiti)

Bisanieta(a)nan: F. Talisha Paesch, Julissa Boekhoudt, Z-on Orejuella, Dariel Dugarte, Marusha Bichotte, Jowdrick Trenidad, Javon Carty, Eliyanah Carty, Anderson Rejouis, Kehlani Rejouis, Kiyomi Val, Phanordson Emmanuel

Sobrino(a)nan:

Roland Brice

Caryn Brice

Pierre Richard Brice

Ernzo Val, Diene Valdema y familia

Phinette Clerveaux

Paullet Paillant

Amiga di cas: Maria Brenda Jimenez

Margareth Guichette

Demas familia: Martin, Vernoise, Val, Rodgers, Jourdan, Dugarte, Tromp, Trenidad, Moise, Bichotte, Jimenez, Abdon, Conquette, Lacle, Kelly, Bolah, Brice, Paillant, Jimenez, Robles, Milrose, Carty

Amigonan y famianan di Iglesia el Buen Samaritano

Ta invita pa asisti na e anochi di condolencia cual lo tuma lugar Diahuebs 13 di april 2023 y diabierna 14 di april 2023, di 7or pm pa 9or pm na Aurora Funeral Home.

Acto di despedida lo tuma lugar Diasabra 15 di april 2023, di 2or pm pa 4or pm na Aurora Funeral Home. Cremacion ta den seno familiar.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita
Laga esakinan termina den tur buniteza
-Cado Wever-



Cu profundo tristesa den nos curazon pero agredido pa tur locual e la nifica pa nos, nos ta anuncia fayecimento di Nos Mama, Wela, Ruman y Tanta Stima:

Miriam Yolanda Everon-Lopez

*13 Augustus 1951 - †9 April 2023
(Viuda di †Mario H. Everon)

Mama: †Lidia y †Alfredo Lambertus-Matos

Tata: †Medardo Lopez

Yiunan Stima:

Mayka Everon y Henry Koolman

Rachelle Everon

Elton Everon y Maritza Bareño

Tesoro nan Stima:

Hilyen Koolman, Rocco Everon, Henryson Koolman, Xiannah Everon

Rumannan Stima:

Judith Lopez

Dita Matos

Tanta y Omo nan:

Andrea Dirksz Lopez y familia

Marco Lopez y familia

Olga Matos Jimenez y familia

Subrinonan Stima:

Neomar Schenker y familia, Eric Vrolijk y familia, Mirella Vrolijk y Dolfie Paesch y familia

Cuñanan:

Lucia Everon y familia

Dora Everon y familia

Cecilia Everon-Koolman y familia

Maria Everon-Semileer y familia

Vitalina Everon-Rodriguez y familia

Unico Iha:

Mirella Vrolijk

Mama di su nietonan:

Shandeeh Arends y familia

Bon Amigonan di Cas:

Irma Kock y familia, Edwin Arendsz y familia, Lourdes Daña y familia

Yiu Peludo Stima:

Negro

Primo(a), Bisiña, Amistad, Conocirnan y demas familia Everon, Lopez, Matos, Lambertus, Koolman, Bareño, Dirksz, Schenker, Vrolijk, Paesch, Semileer, Rodriguez, Leidel, Koppenhagen, Alvarez, Hock, Arends, Tromp, Kock, Muyden, Jones, Genser, Ras, Wester, Giel, Ridderstaat, Wolff, Orman, Francisca, Winklaar, Jimenez, Maduro, Hernandis, Todd

Ta invita pa acto di condolencia y despedida cual lo tuma lugar na misa Inmaculada Concepcion, diasabra 15 April 2023 di 9or pa 11or di mainta y despues lo sali pa Santana Catolico na Santa Cruz.

Nos ta pidi nos disculpa si den nos tristesa nos por a lubida di menciona un of otro nomber/familia.

Envez di manda flor y krans lo aprecia un donacion pa Wit Gele Kruis lo tin un box disponibel.

Nos ta lamenta cu despues di entierro nos lo no por ricibi bishita na cas.

Aurora

Royal Pray

Funeral Home & Crematory

“Señor ta mi wardador, mi no tin falta di nada.
Den cunucu di yerba berde e ta ponemi sosega”.
Salmo 23:1-2

Cu inmenso dolor na nos curason, pero conforme cu Dios su boluntad nos ta anuncia fayecimento di nos kerido Esposo, Tata, Welo, Bisawelo y suegro:



Sr. Rafael del Rosario

Cariñosamente yama “Rafa”

*04-06-1942 - †10-04-2023

Na number di su:

Esposa: Lupita del Rosario

Yiunan: Elvis “Tonchi” del Rosario

Jacqueline “Jacky” del Rosario y Maria de Cuba

Nelson Trimon

†Marco Trimon

Nieto(a)nan: Bertha van Peterson, Maria van Peterson, Elvis del Rosario y Lauren Tromp, Bernardo del Rosario, Nelson Trimon, Ricardi Trimon, Jeslyane Trimon, Jelysane Almanzar Bulos-Trimon, Jenylane Erber-Trimon, Jexlyane Trimon

Bisanieta(a)nan: Emilie van Peterson, Aliyah van Peterson, Eliza del Rosario, Luca del Rosario, Liam de l’Isle, Clint de l’Isle, Owen Lei, Amy Lei, Sofia Almanzar Bulos, Bella Erber, Zane Trimon

Rumannan: †Genaro del Rosario

†Ernesto del Rosario

†Nelson del Rosario

†Josefina Croes-del Rosario

†Lidia Martinez

Sua y cuñanan: Filomena Sophia y yiunan

†Humphrey Sophia

Franklin Sophia, esposa y yiunan

†Ildo Sophia y yiunan

Jose Isidro “Doodle” Sophia, esposa y yiunan

Sobrino y sobrinanan: del Rosario, Croes y Martinez

Primonan: Machado na Santo Domingo, Merca y Aruba

Tur su amigonan musico

Amigo di cas: Emiliano Tromp

Su dokter di cas: John Croes

Su bisiñanan: Glenda Ruiz y yiunan, America Croes y yiunan, Eddy Schoop

Demas famianan: del Rosario, Sophia, van Arneman, de Cuba, Luydens, Croes, Abath, Machado, Martinez, Hasham, Trimon, Tromp y demas familia na Aruba, Santo Domingo, Merca y Hulanda.

Ta invita pa acto di despedida cual lo tuma lugar na Misa San Francisco na Playa diasabra 15 di April 2023 di 1’or pa 3’or di atardi. Cremacion lo tuma lugar despues den seno familiar.

Ta duel nos cu despues di despedida no ta ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento di:

Justa Teresa Paublini

Cariñosamente yama: “Tica”

12-04-1931 - †12-04-2023

Acto di entierro lo wordo anuncia despues.

Hungria ta forsa acuerdonan nobo di energia cu Rusia

(AP) — Hungria a firma acuerdonan nobo riba diamars pa sigura su acceso continuo na energia Ruso, un señal di e lasonan diplomático y comercial continuo cu Moscu cu a confundi babuca algun lider Europeo memey di e guerra na Ucrania.

Papiando na un conferencia di prensa na Moscu, minister di Exterior Hungaro, Peter Szijarto a bisa cu compaña estatal Ruso, Gazprom a bay di acuerdo pa permiti Hungria, si ta necesario, pa importa cantidadnan di gas natural superando e can-

tidadnan acorda den un contract a largo plaso riba cual a haci amienda aña pasa.

Prijs di e gas, cu lo yega Hungria door di e tubería Turkstream, lo tin un limite di 150 euro pa megawatt ora, Szijarto a bisa, parti di un acuerdo cu ta bay permiti Hungria paga compra di gas a base diferido si prijs di mercado bay riba e nivel stipula.

Biahe di Szijarto na e capital Ruso tabata inusual pa un oficial di un país di Union Europeo. Mayoría di miembro di e bloc di 27 nacion a distancia nan mes for di pres-

idente Ruso, Vladimir Putin pa su invasión id Ucrania, y a busca di stop dependencia di nan paisnan for di combustible fossiel Ruso.

Gobierno Hungaro a lobby pisa den UE pa un exención for di cualkier sancion imponi riba gas, azeta y fuel nuclear Ruso, y tambe a menasa di veto accionnan proponi den UE contra Moscu.

Szijarto ta un di e unico oficialnan di un país di UE cu a reuni cu oficialnan Ruso na Moscu desde cu e guerra na Ucrania a cuminsa mas cu un aña pasa.



Hunta gobernador di Disney World ta escala disputa cu Disney

(AP) – E hunta gobernante di Disney World, nombra pa gobernador di Florida, Ron DeSantis a lansa un salvo nobo den e lucha contra e resort, buscando pa expande nan autoridad despues cu nan predecesornan controla pa Disney a abdica mayoría di nan poder na e compaña.

Supervisornan di e Distrito di Supervision di Turismo di



Central Florida ta flotando un resolucian bisando cu e

hunta tin “autoridad superior” riba tur decision di de-

saryoo teritorial pa e 27mil hectar cu ta compone Walt Dinsey World, incluyendo dos ciudad minuscuro controla pa Disney den e distrito. E hunta ta programa pa vota riba e resolucian proximo siman.

E propuesta ta yega dos siman despues cu miembronan ta bisa cu nan predecesornan controla pa Disney a lansa un “fast ball” door di retira mayoría di poder for di e hunta

nobo prome cu e miembronan scogi pa DeSantis por a sinta na nan stoel.

Den enfrente contra Disney, DeSantis a avansa su reputacion como un guerero cultural dispuesto pa combati oponentenan politico y usa e poder di gobierno estatal pa logra su metanan politico. E ta un strategia cu ta spera cu e ta bay continua durante su campaña pa Cas Blanco, spera pa 2024.

Leak di inteligencia Mericano ta complica cumbre cu Sur Korea

(AP) — Documentonan di inteligencia Mericano cu a leak, sugeriendo cu Washington a spiona riba Sur Korea, a pone e presidente Koreano den un situacion delicado prome cu un bishita estatal na Merca, e prome biahe di su indole pa un lider Koreano den 12 aña.

E documentonan ta contene combersacionnan priva entre oficialnan senior Sur Koreano tocante Ucrania, indicando cu Washington por a haci vigilancia riba un aliado Asiatico clave hasta mientras ambos nacion publicamente a priminti di reforza nan alian-

sa. Desde cu a asumi su cargo aña pasa, presidente conservador Yoon Suk Yeol a pone un partnership militar reforza cu Merca den centro di su politica exterior pa adresa menasa nuclear intensificando for di Nort Korea y otro retonan. E cumbre dia 26 di april proximo cu presidente Joe Biden ta mira como cru-



cial pa gana un compromiso mas fuerte di Merca pa cu seguridad y resolve disputa tocante politicanan economico y di tecnologia di administracion di Biden.

A post e documentonan cu a

leak online como parti di un violacion mayor di inteligencia Mericano. E documentonan lesa pa AP ta indica cu Consejo di Seguridad Nacional Sur Koreano a “lucha” cu Merca na comienso di

maart tocante un solicitud di Merca pa provee municion di artilleria pa Ucrania.

E documentonan, citando un rapport di inteligencia, a bisa cu director di NSC e tempo

ey, Kim Sung-han a sugeri e posibilidad di bende 330mil ronda di municion 115mm na Polonia, ya cu e meta principal di Merca tabata pa hiba e municion na Ucrania rapidamente.

Sur Korea, un exportador di arma den crecimiento, tin un politica di no suministra arma na paisnan den guerra. No a duna arma directamente na Ucrania, maske si a manda ayudo humanitario y a join sancionnan economico lidera pa Merca contra Rusia.

Gobierno di Yoon a bisa cu a discuti e documentonan cu a leak cu Merca, y nan t adi acuerdo cu “un cantidad considerable” di e documentonan ta falsifica. Gobierno Sur Koreano a evita di keha publicamente di Merca y no a especifica cua documento tabata falso.

Cas Blanco no a responde inmediatamente na un solicitud pa comentario.

Refineria Burnaby na Parkland a reanuda operacion cu normalidad

(CanadianManufacturing) – Parkland Corporation a anuncia e siman aki cu e restructuracion di ocho siman anuncia anteriormente pa e Refineria Burnaby a keda completa di forma sigur. Despues di un fase inicial exitoso, e instalacion ya ta den pleno funcionamiento.


“Mi kier felicita e team cu a traha diligentemente y di forma sigur pa completa e restructuracion di mantencion aki na tempo y dentro di presupuesto,” segun Ryan Krogmeier, vicepresidente senior di Suministro, Comercio y Refinanciamento. “E implementacion y uso constante di

tecnologia innovador na man di nos team a haci e exito di e proyecto aki posible, cual ta bay yuda optimisa e operacion continuo di e refineria.

Parkland ta un distribuidor internacional di fuel y minorista cu operacion na 25 pais. Luna pasa, Parkland Corporation a anuncia cu a drenta den un acuerdo fecha 21 di maart 2023 cu su accionista a largo plaso di mas grandi, Simpson Oil Limited, pa designa hasta dos nomnado pa eleccion den e Junta di Director di Parkland y ta inclui obligacionnan customa di votacion na favor di e hunta. Parkland Corporation ta basa na Calgary, Canada.



Sospechoso clave den scandal di corrupcion den UE bayendo den aresto domiciliario



(AP) — Autoridadnan Belga a dicidi pa move e sospechoso clave den centro di e scandal di corrupcion sacudiendo e asamblea di Union Europeo for di prison, y pon'e den aresto domiciliario, segun oficina di fiscal federal a bisa ayera.

Vocero Antoon Schotsaert a bisa Ap cu ex-vice-presidente parlamentario, Eva Kaili lo keda bao vigilancia electronico mientras e investigacion

den e caso tocante pago pa fabornan politico ta continua. Maske a tuma e decision ayera, ainda no tabata cla exactamente na ki momento lo permitie bandona e prison.

A retira e legislador Griego como vice-presidente despues cu el a keda tuma den custodia fin di aña pasa acusa di corrupcion, labamento di placa y miembresia den un organisacion criminal. E ta rechasa tur acusacion, su abogadonan a bisa.

Fiscalnan Belga ta sospecha cu Kaili tabata entre varios hende cu supuestamente a ricibi placa di Qatar y Maroco pa influencia toma di decision den e asamblea. Ambos pais ta rechasa e acusacionnan.

E scandal a ricibi atencion publico dia 9 di december despues cu polis a haci mas di 20 inval, mayoria na Belgica pero tambe na Italia. A haya cienmiles di euro na un cas y den un maleta na un hotel na Brussels.

Trump ta demanda ex-abogado Cohen, testigo clave den caso criminal

(AP) — Ex-presidente Mericano, Donald Trump a demanda e testigo clave den su caso criminal ayera, acusando e ex-abogado y fixer Michael Cohen di “daño amplio na su reputacion” pa papia publicamente di e pago pa silencio den centro di e caso.

E demanda, entrega na Miami, a ofrece un bista di argumentonan cu sigur ta bay forma parti di defensa di Trump contra cargonan di falsifica documentonan interno di negoshi pa disfraza pagonan haci durante e campaña electoral na 2016 pa silenciar acusacion di encuentronan sexual fuera di matrimonio.

E demanda ta acusa Cohen di viola un acuerdo di confidencialidad cu el a firma

como condicion di su empleo, violando standard di etica pa abogadonan y “plama falsedad” tocante Trump “cu mal intencion y cu meta di sirbi su mes.” Ta buscando mas di mita milyon dollar for di Cohen.

Trump no ta demandando Cohen especificamente tocante su testimonio na un gran hurado den e caso criminal, pero e ta cita esaki den sosten di un argumento cu su ex-abogado a busca pa enriquece for di su rol a traves di e publicacion di dos buki, un serie di podcast y aparicionan den medionan di comunicacion.

Vocero di Cohen, abogado Lanny Davis, a bisa cu e demanda no ta bay stop e cooperacion di Cohen cu fiscal.

